

皇
明
制
書

大明律卷之十四

兵律

宮衛

計一十九條

太廟門擅入

凡擅入

太廟門及山陵北域門者杖一百。

太社門杖九十。未過門限者各減一等。守衛

官故縱者各與犯人同罪。失覺察

者減三等。

宮殿門擅入

凡擅入皇城午門東華西華玄武門及禁苑者各杖一百。擅入宮殿門杖六十。徒一年。擅入御膳所及御在所者絞。未過門限者各減一等。○若無門籍冒名而入者罪亦如之。○其應入宮殿未著門籍而入或當下直而輒入及宿次未到而輒宿者各笞四十。○若不係宿衛

應直人口帶兵仗之人但持寸刃入宮殿門內者絞入皇城門內者杖一百發邊遠充軍。○門官及宿衛官軍故縱者各與犯人同罪。失覺察者減三等罪止杖一百。軍人又減一等。並罪坐直日者。餘條惟此

宿衛守衛人私自代替

凡宮禁宿衛及皇城門守衛人應直不直者笞四十。以應宿衛守衛人

私自代替及替之人各杖六十。以別衛不係宿衛守衛人冒名私自代替及替之人各杖一百。百戶以上各加一等。○若在直而逃者罪亦如之。○京城門減一等。各處城門又減一等。親管頭目知而故縱者各與犯人同罪。失覺察者減三等。有故而赴所管告知者不坐。

從駕稽遲

凡應從車駕之人。違期不到。及從而
先回還者。一日笞四十。每三日加
一等。罪止杖一百。百戶以上。各加
一等。○若從車駕行而逃者。杖一
百。發邊充軍。百戶以上。絞。○親管
頭目故縱者。各與犯人同罪。失覺
察者。減三等。罪止杖一百。

直行御道

凡午門外御道至御橋。除侍衛官軍。導

從車駕出入。許於東西兩傍行走。外其餘文武百官軍民人等。無故於上直行及輒度御橋者。杖八十。若於宮殿中直行御道者。杖一百。守衛官故縱者。各與犯人同罪。失覺察者。減三等。若於御道上橫過。係一時經行者。不在此限。

內府工作人匠替役

凡諸色工匠行人。差撥赴內府及承

運庫工作。若不親身關牌入內。應役雇人冒名私自代替。及替之人。各杖一百。雇工錢入官。

宮殿造作罷不出

凡在宮殿內造作。所司具工匠姓名。報門官及守衛官。就於所入門首。逐一點視。放入工作。至申時分。仍須相視形貌。照數點出其不出者。絞監工。及提調內使監官。門官。守

衛官軍點視。如名數短少。就便搜捉。隨即奏聞。知而不舉者。與犯人同罪。失覺察者。減三等。罪止杖一百。

輒出入宮殿門

凡應出宮殿。而門籍已除。輒留不出。及被告劾。已有公文禁止。籍雖未除。輒入宮殿者。各杖一百。○若宿衛人已被奏劾者。本司先收其兵。

仗違者罪亦如之。○若於宮殿門雖有籍。至夜皆不得出入。若入者杖一百。出者杖八十。無籍入者加二等。若持仗入殿門者絞。

關防內使出入

凡內使監官并奉御內使但遇出外各門官須要收留本人在身關防牌面於簿上印記姓名字號明白附寫前去某處幹辦是何事務其

門官與守衛官軍搜檢沿身別無夾帶方許放出回還一體搜檢給牌入內以憑逐月稽考出外次數但搜出應于雜藥就令自喫若不
服搜檢者杖一百充軍若非奉旨私將兵器進入皇城門內者杖一百發邊遠充軍入宮殿門內者絞
門官及守衛官失於搜檢者與犯人同罪。

向宮殿射箭

凡向

太廟及宮殿射箭放彈投磚石者絞向
太社杖一百。流三千里。但傷人者斬。

宿衛人兵仗

凡宿衛人兵仗不離身違者笞四十
輒離職掌處所笞五十。別處宿杖
六十。百戶以上各加一等。親管頭
目知而不舉者與犯人同罪。失覺

察者減三等。

禁經斷人充宿衛

凡在京城犯罪被極刑之家同居人口。隨即遷發別郡住坐。其親屬人等。并一應經斷之人。並不得入充近侍及宿衛。守把皇城京城門禁。若朦朧充當者。斬其當該官司。不為用心詳審。或聽人囑托及受財。容令充當者。罪同。○若有特旨選

充曾經覆奏明立文案者。不在此限。

衝突儀仗三條

凡車駕行處。除近侍及宿衛護駕官軍外。其餘軍民並須迴避。衝入儀仗內者。絞。若在郊野之外。一時不能迴避者。聽俯伏以待其文武百官。非奉宣喚。無故輒入儀仗內者。杖一百。典仗護衛官軍故縱者。與

犯人同罪。不覺者。減三等。

凡有申訴冤抑者。止許於仗外俯伏以聽。若衝入儀仗內而所訴事不實者。絞。得實者。免罪。

凡軍民之家。縱放牲畜。若守衛不備。因而衝突儀仗者。杖八十。衝入皇城門內者。杖一百。

行宮營門

凡行宮外營門內營門與皇城門同。

若有擅入者杖一百。內營牙帳

與宮殿門同。擅入者杖六十。徒一年。

越城

凡越皇城者杖一百。京城者杖一百。流三千

里。越各府州縣鎮城者杖一百。官府

公廨牆垣者杖八十。越而未過者各

減一等。若有所規避者各從重論。

門禁鎖鑰

凡各處城門應閉而誤不下鎖者杖

八十。非時擅開閉者杖一百。京城門各加一等。其有公務急速非時開閉者不在此限。○若皇城門應閉而誤不下鎖者杖一百。發邊遠充軍。非時擅開閉者絞。其有旨開閉者勿論。

懸帶關防牌面

凡朝參文武官及內官懸帶牙牌鐵牌。厨子校尉入內各帶銅木牌。

如有遺失。官罰鈔二十貫。厨子校尉罰鈔一十貫。若有拾得。隨即報官者。將各人該罰鈔。貫充賞。有牌不帶。無牌輒入者。杖八十。借者及借與者。杖一百。事有規避者。從重論。隱藏者。杖一百。徒三年。首告者。於犯人名下。追鈔五十貫充賞。詐帶朝參。及在外詐稱官員名號。有所求為者。絞。偽造者。斬。首告者。於

犯人名下追鈔一百貫充賞

軍政計二十條

擅調官軍

凡將帥部領軍馬守禦城池及屯駐邊鎮若所管地方遇有報到草賊生發即時差人體探緩急聲息須先申報本管上司轉達朝廷奏聞給降御寶聖旨調遣官軍征討若無緊急不先申上司雖已申上司

不待回報。輒於所屬擅調軍馬及所屬擅發與者。各杖一百。罷職發邊遠充軍。○其募兵卒至欲來攻襲及城鎮屯聚軍馬之處。或有反叛或賊有內應。事有緊急。及路程遙遠者。並聽從便。火速調撥軍馬。乘機勦捕。若寇賊滋蔓。應令會捕者。隣近衛所。雖非所屬。亦得調發策應。並即申報本管上司轉達朝

廷知會。若不即調遣會合。或不即申報上司。及隣近衛所。不即發兵策應者。並與擅調發罪同。○若親王所封地面。有警調兵。已有定制。其餘上司及大臣。將文書調遣將士提撥軍馬者。非奉御寶聖旨。不得擅離信地。若軍官有改除別職。或犯罪取發。如無奏奉聖旨。亦不許擅動。違者罪亦如之。

申報軍務

凡將帥叅隨總兵征進。如總兵官分調攻取城寨克平之後。隨將捷音差人飛報。一申總兵官。一申五軍都督府。一行兵部。另具奏本。實封御前。○若賊人數多出沒不常。如所領軍人不敷。須要速申總兵官添撥軍馬。設策勦捕。不速飛申者。從總兵官量事輕重治罪。○若有

來降之人。即便送赴總兵官轉達
朝廷區處。其貪取來降人財物。因
而殺傷人。及中途逼勒逃竄者。斬
飛報軍情

凡飛報軍情在外府州差人。一申布
政司。一申都指揮使司。及行移本
道按察司。其守禦官差人行移都
指揮使司。都指揮使司差人。一行
本管都督府。一具實封布政司。一

差人行移兵部。一具實封。俱至御前開拆。按察司差人。具實封直奏。在內直隸軍民官司。並差人申本管都督府。及兵部。另具實封。各自奏聞。若互相知會。隱匿不速奏聞者。杖一百。罷職不叙。因而失誤軍機者。斬。

邊境申索軍需

凡守邊將帥。但有取索軍器錢糧等

物。須要差人。一行布政司。一行都指揮使司。再差人。一行五軍都督府。一行合干部分。及具奏本實封御前。其公文若到該部。五軍都督府。須要隨即奏聞。區處發遣。差來人回還。若稽緩不即奏聞。及各處不行依式申報者。並杖一百。罷職不叙。因而失誤軍機者。斬。

失誤軍事

凡臨軍征討。應合供給軍器行糧草料。違期不完者。當該官吏各杖一百。罪坐所由。○若臨敵缺乏。及領兵官已承調遣。不依期進兵策應。若承差告報軍期。而違限。因而失誤軍機者。並斬。

從征違期

凡軍官軍人臨當征討。已有起程日期。而稽留不進者。一日杖七十。每

三日加一等。若故自傷殘及詐為疾患之類。以避征役者。各加一等。並罪止杖一百。仍發出征。○若軍臨敵境。托故違期。一日不至者。杖一百。三日不至者。斬。若能立功贖罪者。從總兵官區處。

軍人替役

凡軍人不親出征。雇倩人冒名代替者。替身杖八十。收籍充軍。正身杖

一百。依舊充軍。若守禦軍人雇人
冒名代替者。各減二等。其子孫弟
姪及同居少壯親屬。自願代替者。
聽。若果有老弱殘疾。赴本管官司
陳告。驗實。與免軍身。○若醫工承
差。關領官藥。隨軍征進。轉雇庸醫。
冒名代替者。各杖八十。雇工錢入
官。

主將不固守

凡守邊將帥被賊攻圍城寨不行固守而輒棄去及守備不設計賊所掩襲因而失陷城寨者斬若與賊臨境其望高巡哨之人失於飛報以致陷城損軍者亦斬若被賊侵入境內擄掠人民者杖一百發邊遠充軍○其官軍臨陣先退及圍因敵城而逃者斬

縱軍擄掠

凡守邊將帥。非奉調遣。私自使令軍人於外境擄掠人口財物者。杖一百。罷職充軍。所部聽使軍官及總旗。遞減一等。並罪坐所由。小旗軍人不坐。○若軍人不曾經由本管頭目。私出外境擄掠者。為首杖一百。為從杖九十。傷人為首者斬。為從杖一百。俱發遠充軍。若本管頭目。鈐束不嚴。杖六十。附過還職。○

其邊境城邑有賊出沒乘機領兵
攻取者不在此限。○若於已附地
面擄掠者不分首從皆斬。本管頭
目鈐束不嚴各杖八十。附過還職。
○其知情故縱者各與犯人同罪。
不操練軍士

凡各處守禦官不守紀律不操練軍
士及器械不完衣甲器仗不整者
初犯杖八十。再犯杖一

百指揮使降充同知。同知降充僉事。僉事降充千戶。千戶降充百戶。百戶降充總旗。總旗降充小旗。小旗降充軍役。並發邊遠守禦。○若提備不嚴。撫馭無方。致有所部軍人反叛者。親管指揮千戶百戶鎮撫各杖一百。追奪發邊遠充軍。若棄城而逃者。斬。

激變良民

凡牧民之官。失於撫字。非法行事。激
變良民。因而聚衆反叛。失陷城池
者。斬。

私賣戰馬

凡軍人出征。獲到馬匹。須要盡數報
官。若私下貨賣者。杖一百。軍官賣
者。罪同。罷職充軍。買者。笞四十。
馬匹價錢。並入官。軍官軍人買者。
勿論。

私賣軍器

凡軍人關給衣甲鎗刀旗幟一應軍器。私下貨賣者。杖一百。發邊遠充軍。軍官賣者。罪同。罷職充軍。買者。笞四十。應禁者。以私有論。罪軍器。價錢並入官。軍官軍人買者。勿論。毀棄軍器。

凡將帥關撥一應軍器。征守事訖。停留不回。納還官者。十日杖六十。每

十日加一等。罪止杖一百。○若輒棄毀者。一件杖八十。每一件加一等。二十件以上。斬。遺失及誤毀者。各減三等。軍人各又減一等。並驗數追陪。其曾經戰陣而有損失者。不坐不陪。

私藏應禁軍器

凡民間私有人馬甲傍牌。火筒。火砲。旗纛。號帶之類。應禁軍器者。一件

杖八十。每一件加一等。私造者加
私有罪一等。各罪止杖一百。流三
千里。非全成者。並勿論。許令納官
其弓箭鎗刀努及魚叉禾叉不在
禁限。

縱放軍人歇役

凡管軍百戶及總旗小旗軍吏縱放
軍人出百里之外買賣或私種田
土或隱占在已使喚空歇軍役者

一名杖八十。每三名加一等。罪止杖一百。罷職充軍。若受財賣放者。以枉法從重論。所隱軍人。並杖八十。若私使出境。因而致死。或被賊拘執者。杖一百。罷職發邊遠充軍。至三名者。絞。本管官吏知情容隱不行舉問。及虛作逃亡符同報官者。與犯人同罪。若小旗總旗百戶縱放軍人。其本管指揮千戶鎮撫

當該首領官吏知情故縱或容隱
不行舉問及指揮千戶鎮撫故縱
軍人其百戶總旗小旗知而不首
告者罪亦如之○若鈐束不嚴致
有違犯及失於覺舉者小旗名下
一名總旗名下五名百戶名下十
名千戶名下五十名各笞四十小
旗名下二名總旗名下十名百戶
名下二十名千戶下一百名者

各答五十。並附過還職不及數者。
不坐。○若軍官私家役使軍人。不
曾隱占歇役者。一名答四十。每五
名加一等。罪止杖八十。○並每名
計一日追雇工錢六十文入官。○
若有吉凶借使者。勿論。

公侯私役官軍

凡公侯非奉特旨。不得私自呼喚各
衛軍官軍人。前去役使。違者。初犯。

再犯免罪。附過三犯。准免死一次。其軍官軍人聽從。及不出征時。輒於公侯之家門首伺立者。軍官各杖一百。罷職發邊遠充軍。軍人罪同。

從征守禦官軍逃

凡軍官軍人。從軍征討。私逃還家。及逃往他所者。初犯杖一百。仍發出征。再犯者。絞。知情窩藏者。杖一百。

充軍。里長知而不首者。杖一百。若軍還而先歸者。減五等。因而在逃者。杖八十。若在京各衛軍人在逃者。初犯杖九十。發付近衛分充軍。各處守禦城池軍人在逃者。初犯杖八十。仍發本衛充軍。再犯並杖一百。俱發邊遠充軍。三犯者。絞。知情窩藏者。與犯人同罪。罪止杖一百。充軍。里長知而不首者。各減二

等。本管頭目知情故縱者。各與同罪。罪止杖一百。罷職充軍。其在逃官軍。一百日內。能自出官首告者。免罪。若在限外自首者。減二等。但於隨處官司首告者。皆得准理。○若各衛軍人轉投別衛充軍者。同逃軍論。○其親管頭目不行用心鈐束。致有軍人在逃。小旗名下逃去五名者。降充軍人。總旗名下逃

去二十五名者。降充小旗。百戶名下逃去一十名者。減俸一石。二十名者。減俸二石。三十名者。減俸三石。四十名者。減俸四石。逃至五十名者。追奪降充總旗千戶名下逃去一百名者。減俸一石。二百名者。減俸二石。三百名者。減俸三石。四百名者。減俸四石。逃至五百名者。降充百戶。其管軍多者。驗數折筭。

減降不及數者不坐。若有病亡殘疾提撥等項事故者。不在此限。

優恤軍屬

凡陣亡病故官軍回鄉。家屬行糧脚力。有司不即應付者。違一日答二十。每三日加一等。罪止答五十。

夜禁

凡京城夜禁。一更三點鐘聲已靜。五更三點鐘聲未動犯者。答三十二。

更三點四更犯者。笞五十。外郡城鎮。各減一等。其公務急速。疾病生產。死喪不在禁限。○其暮鐘未靜。曉鐘已動。巡夜人等。故將行人拘留。誣執犯夜者。抵罪。○若犯夜拒捕。及打奪者。杖一百。因而毆人至折傷以上者。絞。死者。斬。

關津計七條

私越冒度關津

凡無文引。私度關津者。杖八十。若關不由門。津不由渡。而越度者。杖九十。若越度緣邊關塞者。杖一百。徒三年。因而出外境者。絞。守把之人。知而故縱者。同罪。失於盤詰者。各減三等。罪止杖一百。軍兵又減一等。並罪坐直日者。餘條惟此。○若有文引。冒名度關津者。杖八十。家人相冒者。罪坐家長。守把之人。知情與

同罪。不知者不坐。○其將馬騾私

度冒度關津者杖六十。越度杖七

十。私度謂人有引馬騾無引者冒度謂馬騾冒他人引上馬騾毛

色齒歲者越度謂人由關津馬騾不由關津而度者

詐冒給路引

凡不應給路引之人而給引及軍詐

為民民詐為軍若冒名告給引及

以所給引轉與他人者並杖八十

若於經過官司停止去處倒給路

引及官豪勢要之人。囑託軍民衙門。擅給批帖。影射出入者。各杖一百。當該官吏聽從及知情給與者。並同罪。若不從及不知者。不坐。○若巡檢司越分給引者。罪亦如之。○其不立文案。空押路引。私填與人者。杖一百。徒三年。○受財者。計贓以枉法。及有所規避者。各從重論。○若軍民出百里之外。不給引。

者軍以逃軍論民以私度關津論
關津留難

凡關津往來船隻守把之人不即盤
驗放行無故阻當者一日答二十
每一日加一等罪止答五十○若
官豪勢要之人乘船經過關津不
服盤驗者杖一百○若撐駕渡船
梢水如遇風浪險惡不許擺渡違
者答四十若不顧風浪故行開船

至中流停船。勒要船錢者。杖八十。
因而殺傷人者。以故殺傷論。

遞送逃軍妻女出城

凡在京守禦官軍。遞送逃軍妻女出
京城者。絞。民犯者。杖一百。若各處
守禦城池。及屯田官軍。遞送逃軍
妻女出城者。杖一百。發邊遠充軍。
民犯者。杖八十。受財者。計贓以枉
法從重論。其逃軍買求者。罪同守

門之人。知情故縱者。與犯人同罪。
失於盤詰者。減三等。罪止杖一百。
軍人。又減一等。○若遞送非逃軍
妻女出城者。杖八十。有所規避者。
從重論。

盤詰姦細

凡緣邊開塞。及腹裏地面。但有境內
姦細。走透消息於外人。及境外姦
細。入境內。探聽事情者。盤獲到官。

須要鞫問。接引起謀之人得實。皆斬。經過去處守把之人。知而故縱。及隱匿不首者。並與犯人同罪。失於盤詰者。杖一百。軍兵杖九十。

私出外境及違禁下海

凡將馬牛。軍需。鐵貨。銅錢。段匹。絀絹。絲綿。私出外境貨賣。及下海者。杖一百。挑擔馱載之人。減一等。物貨船車。並入官。於內以十分為率。三

分付告人充賞。若將人口軍器出境。及下海者。絞。因而走泄事情者。斬。其拘該官司。及守把之人。通同夾帶。或知而故縱者。與犯人同罪。失覺察者。減五等。罪止杖一百。軍兵又減一等。

私役弓兵

凡私役弓兵者。一人管四十。每三人加一等。罪止杖八十。每名討一日。

追雇工錢六十文入官。當該官司應付者同罪。罪坐所由。

廐牧計一十一條

牧養畜產不如法

凡牧養馬牛。駝。騾。驢。羊。並以一百頭為率。若死者。損者。失者。各從實開報死者。即時將皮張鬃尾入官。牛。舐角皮張亦入官。其群頭群副每一頭各管三十。每三頭加一等。過

杖一百。每十頭加一等。罪止杖一百。徒三年。羊減馬三等。驢騾減馬牛。駝二等。若胎生不及日時而死。者。灰醢。看視明白。不坐。若失去。賠償損傷不堪用。減死者一等。坐罪其死損數目。並不准除。

孳生馬疋

凡群頭管領騾馬一百疋。為一群。每年孳生駒一百疋。若一年之內止。

有駒八十疋者。笞五十。七十疋者。杖六十。都群所官不為用心提調者。各減三等。太僕寺官。又減都群所官罪二等。

驗畜產不以實

凡相驗分揀官馬牛駝騾驢不以實者。一頭笞四十。每三頭加一等。罪止杖一百。驗羊不以實。減三等。若因而價有增減者。計所增減價坐。

賊論。入已者。以監守自盜論。各從重科斷。

養療瘦病畜產不如法

凡養療瘦病馬牛。駝。騾。驢。不如法。笞三十。因而致死者。一頭笞四十。每三頭加一等。罪止杖一百。羊減三等。

乘官畜脊破領穿

凡官馬牛。駝。騾。驢。乘駕不如法。而脊

破領穿。瘡圍繞三寸者。笞二十。五寸以上。笞五十。若牧養瘦者。計百頭為率。十頭瘦者。牧養人及群頭。群副各笞二十。每十頭加一等。罪止杖一百。羊減三等。典牧所官各隨所管群頭多少。通計科罪。太僕寺官各減典牧所官罪三等。

官馬不調習

凡牧馬之官。聽乘官馬而不調習者。

一疋笞二十。每五疋加一等。罪止杖八十。

宰殺馬牛

凡私宰自己馬牛者杖一百。駝騾驢杖八十。誤殺者不坐。若病死而不申官開剥者笞四十。觔角皮張入官。○若故殺他人馬牛者杖七十。徒一年半。駝騾驢杖一百。若計賊重於本罪者准盜論。謂故殺他人馬牛估價計

賍得罪重於杖七十。徒一年半。賍
驛。價計賍得罪重於杖一百者。
並准竊盜斷罪。係官者。准常人。
盜官物。斷罪。並免刺。追價給主。若
傷而不死。不堪乘用。及殺猪羊等

畜者。計減價亦准盜論。各追陪所

減價錢。價不減者。答三十。減價。謂

畜。直錢三十貫。殺訖。止直錢一十

貫。是減二十貫。價。損傷不死。止直

錢二十貫。是減一十貫。價。即以所

減價錢計賍。亦准竊盜斷罪。係官

者。亦准常人。盜官物。斷罪之類。仍

於犯人名下。追徵所減價錢。陪償

價不減者。謂畜產直錢一十貫。雖

有殺傷。估價不減。仍直錢一十貫。

止答三十。罪無所賠償。其誤殺傷者。不坐罪。

但追陪減價。○為從者。各減一等。

○若故殺總麻以上親。馬牛。駝。驪。

驢者。與本主私宰罪同。殺猪羊等畜。

者。計減價坐贓論罪止。杖八十。其

誤殺及故傷者。俱不坐。但各追陪

減價。○若官私畜產。毀食官私之

物。因而殺傷者。各減故殺傷三等。追

陪所減價。畜主賠償。所毀食之物。

○若放官私畜產。損食官私物者。笞三十。賊重者。坐賊論。失者。減二等。各陪所損物。○若官畜產。毀食官物者。止坐其罪。不在陪償之限。○若畜產欲觸舐。踢咬人。登時殺傷者。不坐罪。亦不賠償。

畜產咬踢人

凡馬牛。及犬。有觸舐。踢咬人。而記號拴繫不如法。若有狂犬不殺者。笞

四十。因而殺傷人者。以過失論。若故放令殺傷人者。減闕殺傷一等。○其受雇醫療畜產。及無故觸之。而被殺傷者。不坐罪。○若故放犬。令殺傷他人畜產者。各笞四十。追陪所減價錢。

隱匿孳生官畜產

凡牧養係官馬。騾。驢。等畜。所得孳生。限十日內報官。若限外隱匿不報。

計贓准竊盜論。因而盜賣。或抵換者。並以監守自盜論罪。其都釋所太僕寺官。知情不舉。與犯人同罪。不知者。俱不坐。

私借官畜產

凡監臨主守。將係官馬。牛。駝。騾。驢。私自借用。或轉借與人。及借之者。各笞五十。驗日追雇賃錢入官。若計雇賃錢重者。各坐贓論。加一等。

公使人等索借馬疋

凡公使人等承差。經過去處。索借有司官馬疋騎坐者。杖六十。驢騾。笞五十。官吏應付者。各減一等。罪坐所由。

郵驛

計一十八條

遞送公文

凡舖兵遞送公文。晝夜須行三百里。稽留三刻。笞二十。每三刻加一等。

罪止笞五十。其公文到舖不問角數多少。須要隨即遞送。不許等待。後來文書違者。舖司笞二十。

凡舖兵遞送公文。若磨擦及破壞封皮。不動元封者。一角笞二十。每三角加一等。罪止杖六十。若損壞公文。一角笞四十。每二角加一等。罪止杖八十。若沉匿公文。及拆動元封者。一角杖六十。每一角加一等。

罪止杖一百。若事干軍情機密文書。不拘角數。即杖一百。有所規避者。各從重論。其鋪司不告舉者。與犯人同罪。若已告舉而所在官司不即受理施行者。各減犯人罪二等。

凡各縣鋪長。專一於縣管鋪分。往來巡視。提調官吏。每月一次親臨各鋪刷勘。若失於檢舉者。通計公文。

稽留及磨擦破壞封皮不動元封
十件以上。鋪長笞四十。提調吏典
笞三十。官笞二十。若損壞及沉匿
公文若拆動元封者。與鋪兵同罪。
提調吏典減一等。官又減一等。府
州提調官吏失於檢舉者各遞減
一等。

邀取實封公文

凡在外大小各衙門官。但有入遞進

呈實封公文。至御前。而上司官。令人於中途急遞鋪。邀截取回者。不拘遠近。從本鋪鋪司。鋪兵。赴所在官司。告舉。隨即申呈上司轉達該部。追究得實。斬其鋪司。鋪兵。容隱不告舉者。各杖一百。若已告舉。而所在官司。不即受理施行者。罪亦如之。○若邀取實封。至五軍都督府。六部。察院公文者。各減二等。

鋪舍損壞

凡急遞鋪舍損壞。不為脩理。什物不完。鋪兵數少。不為補置。及令老弱之人當役者。鋪長答五十。有司提調官吏。各答四十。

私役鋪兵

凡各衙門一應公差人負。不許差使鋪兵挑送官物。及私已行李。違者。答四十。每名計一日。追雇工錢六

十六文入官。

驛使稽程

凡出使馳驛違限常事一日笞二十。每三日加一等。罪止杖六十。軍情重事加三等。因而失誤軍機者斬。若各驛官故將好馬藏匿推故不即應付以致違限者對問明白罪坐驛官。其遇水漲路道阻礙經行者不坐。○若驛使承受官司文書

誤不依題寫去處錯去他所而乘
限者減二等。事干軍務者不減。若
由公文題寫錯者。罪坐題寫之人。
驛使不坐。

多乘驛馬

凡出使人負應乘驛船驛馬數外多
乘一船一馬者杖八十。每一船一
馬加一等。若應乘驢而乘馬及應
乘中等下等馬而勒要上等馬者。

杖七十。因而毆傷驛官者。各加一等。若驛官容情應付者。各減犯人罪一等。其應乘上等馬。而驛官却與中等下等馬者。罪坐驛官。本驛如無上等馬者。勿論。○若枉道馳驛。及經驛不換船馬者。杖六十。因而走死驛馬者。加一等。追償馬死還官。○其事非緊急。不曾枉道。而走死驛馬者。償而不坐。○若軍情

警急及前驛無船馬倒換者不坐
不償。

多支廩給

凡出使人負多支廩給者計贓以不
枉法論。當該官吏與者減一等。強
取者以枉法論。官吏不坐。

文書應給驛而不給

凡朝廷調遣軍馬及報警急軍務至
邊將若邊將及各衙門飛報軍情。

詣朝廷文書。故不遣使給驛者。杖一百。因而失誤軍機者。斬。○若進賀表箋。及賑救饑荒。申報災異。取索軍需之類。重事。故不遣使給驛者。杖八十。若常事。不應給驛而故給驛者。笞四十。

公事應行稽程

凡公事有應起解官物。囚徒畜產。差人管送。而輒稽留。及事有期限。而

違者一日笞二十。每三日加一等。罪止笞五十。若起解軍需。隨征供給。而管送違限者。各加二等。罪止杖一百。以致臨敵缺乏。失誤軍機者。斬。若承差人。誤不依題寫去處。錯去他所。以致違限者。減二等。事干軍務者。不減。若由公文題寫錯者。罪坐題寫之人。承差人不坐。

占宿驛舍上房

凡公差人負出外幹辦公事。占宿驛舍正廳上方者。笞五十。

乘驛馬賫私物

凡出使人負應乘驛馬。除隨身衣仗外。賫帶私物者。十斤杖六十。每十斤加一等。罪止杖一百。驛驢減一等。私物入官。

私役民夫搥轎

凡各衙門官吏。及出使人負。役使民

民擡轎者杖六十。有司應付者減
一等。若富豪之家。後使佃客擡轎
者。罪亦如之。每名計一日。追給雇
工錢六十文。○其民間婦女。若老
病之人。及出錢雇工者。不在禁限。
病故官家屬還鄉

凡軍民官在任。以理病故。家屬無力。
不能還鄉者。所在官司。差人管領。
應付脚力。隨程驗口。官給行糧。送

送還鄉。違而不送者。杖六十。

承差轉雇寄人

凡承差起解官物。囚徒畜產。不親管送。而雇人寄人代領送者。杖六十。因而損失官物畜產。及失囚者。依律各從重論。受寄受雇人。各減一等。○其同差人。自相替放者。各笞四十。取財者。計贓以不枉法論。若事有損失者。亦依損失官物。及失

囚律追斷不在減等之限。

乘官畜產車船附私物

凡因公差應乘官馬牛駝騾驢者除隨身衣仗外私馱物不得過十斤。

違者五斤笞一十每十斤加一等。

罪止杖六十

不在乘驛馬之餘

其乘船車

者私載物不得過三十斤違者十

斤笞一十每二十斤加一等罪止。

杖七十家人隨從者皆不坐若受

寄私載他人物者。寄物之人同罪。其物並入官。當該官司。知而容縱者。與同罪。不知者不坐。若應合遞運家小者。不在此限。

私借驛馬

凡驛官將驛馬私自借用。或轉借與人。及借之者。各杖八十。驛驢減一等。驗日追雇賃錢入官。若計雇賃錢重者。各坐贓論。加二等。

大明律

刑律

賊盜 計二十八條

謀反大逆

凡謀反

謂謀危社稷

及大逆

謂謀毀宗廟山陵及宮闈

但共謀者不分首從皆凌遲處死
祖父父子孫兄弟及同居之人不
分異姓及伯叔父兄弟之子不限
籍之同異年十六以上不論篤疾

廢疾皆斬其十五以下及母女妻妾姊妹若子之妻妾給付功臣之家為奴財產入官若女許嫁已定歸其夫子孫過房與人及聘妻未成者俱不追坐。下條知情故縱隱蔽者斬有能捕獲者民授以民官軍授以軍職仍將犯人財產全給充賞知而首告官為捕獲者止給財產不首者杖一百流三千里。

謀叛

凡謀叛

謂謀背本國。潛從他國。

但共謀者不分

首從皆斬。妻妾子女。給付功臣之家。為奴。財產並入官。父母祖孫兄弟。不限籍之同異。皆流二千里。安置。知情故縱隱蔽者。絞。有能告捕者。將犯人財產。全給充賞。知而不首者。杖一百。流三千里。若謀而未行。為首者。絞。為從者。皆杖一百。流

三千里。知而不首者，杖一百。徒三年。○若逃避山澤，不服追喚者，以謀叛未行論。其拒敵官兵者，以謀叛已行論。

造妖書妖言

凡造讖緯妖書妖言，及傳用惑衆者，

皆斬。

皆者，謂不分首從。一體科罪。餘條言皆者，並准此。

若

私有妖書，隱蔽不送官者，杖一百。

徒三年。

盜大祀神御物

凡盜大祀神祇御用祭器帷帳等物

及盜饗薦玉帛牲牢饌具之屬者

皆斬謂在殿內及已至祭所而盜者其未進神御

及營造未成若已奉祭訖之物及

其餘官物皆杖一百徒三年若計

賊重於本罪者各加盜罪一等謂

守常人盜者各加監守並刺字

盜制書

凡盜制書及起馬御寶聖旨起船符
驗者皆斬。○盜各衙門官文書者
皆杖一百刺字。若有所規避者從
重論事干軍機錢糧者皆絞。

盜印信

凡盜各衙門印信及夜巡銅牌者皆
斬。盜關防印記者皆杖一百刺字。

盜內府財物

凡盜內府財物者皆斬。盜御寶及乘

是。

盜城門鑰

凡盜京城門鑰皆杖一百。流三千里。
盜府州縣鎮城關門鑰皆杖一百。
徒三年。盜倉庫門等鑰皆杖一百。
並刺字。

盜軍器

凡盜軍器者。計贓以凡盜論。若盜應
禁軍器者。與私有罪同。若行軍之

所及宿衛軍人相盜入已者。准凡盜論。還充官用者。各減二等。

盜園陵樹木

凡盜園陵內樹木者。皆杖一百。徒三年。若盜他人墳塋內樹木者。杖八十。若計賊重於本罪者。各加盜罪一等。

監守自盜倉庫錢糧

凡監臨主守。自盜倉庫錢糧等物。不

分首從併贓論罪。

併贓謂如十人

四十貫。雖各分四貫入已。通笑作一處共十人各得四十貫罪皆斬。

若十人共盜五貫。皆杖一百之類。並於右小臂膊

上刺盜官

鐵線

三字。

每字各方一寸五分。每畫各闊

一分五厘。上不過肘。下不過腕。餘條

一貫以下杖八十

一貫之上至二貫五伯文杖九十

五貫杖一百

七貫五伯文杖六十徒一年

一十貫杖七十徒一年半

一十二貫五伯文杖八十徒二年

一十五貫杖九十徒二年半

一十七貫五伯文杖一百徒三年

二十貫杖一百流二千里

二十二貫五伯文杖一百流二千

五百里

二十五貫杖一百流三千里

四十貫斬

常人盜倉庫錢糧

凡常人盜倉庫錢糧等物。不得財。杖

六十。免刺。但得財者。不分首從。併

贓論罪。

併贓。謂如十人。各分八貫。官錢八十貫。各分八貫。

入已。通集作一處。其十人各得八

十貫。罪皆絞。若十人共盜。十貫

皆杖九並於右小臂膊上刺盜官

機三字。
一貫以下杖七十

一貫之上至五貫杖八十

一十貫杖九十

一十五貫杖一百

二十貫杖六十徒一年

二十五貫杖七十徒一年半

三十貫杖八十徒二年

三十五貫杖九十徒二年半

四十貫杖一百徒三年

四十五貫杖一百流二千里

五十貫杖一百流二千五百里

五十五貫杖一百流三千里

八十貫絞

強盜

凡強盜已行而不得財者皆杖一百流三千里但得財者不分首從皆斬○若以藥迷人圖財者罪同○若竊盜臨時有拒捕及殺傷人者皆斬因盜而姦者罪亦如之共盜之人不曾助力不知拒捕殺傷人

及姦情者。止依竊盜論。○其竊盜事主知覺棄財逃走。事主追逐因而拒捕者。自依罪人拒捕律科罪。

刼囚

凡刼囚者。皆斬。

但刼即坐不須得囚

若私竊放

囚人逃走者。與囚同罪。至死者。減

一等。

雖有與常人同限親屬

竊而未得囚者。

減二等。因而傷人者。絞。殺人者。斬。

為從各減一等。○若官司差人追

徵錢糧勾攝公事。及捕獲罪人。聚
衆中途打奪者。杖一百。流三千里。
因而傷人者。絞。殺人及聚至十人
為首者。斬。下手致命者。絞。為從各
減一等。其率領家人隨從打奪者。
止坐尊長。若家人亦曾傷人者。仍
以凡人首從論。

白晝搶奪

凡白晝搶奪人財物者。杖一百。徒三

年計賊重者。加竊盜罪二等。傷人者。斬。為從各減一等。並於右小臂膊上刺搶奪二字。○若因失火。及行船遭風着淺。而乘時搶奪人財物。及拆毀船隻者。罪亦如之。○其本與人鬪毆。或勾捕罪人。因而竊取財物者。計賊往竊盜論。因而奪去者。加二等。罪止杖一百。流三千里。並免刺。若有殺傷者。各從故聞。

論。

竊盜

凡竊盜已行。而不得財。答五十。免刺。

但得財者。以一主為重。併贓論罪。

為從者。各減一等。

如一主為重。謂如盜得二家財。

物。從一家。雖多者。科罪。併贓論。如十人共盜得一家財物。計贓四十貫。雖各分得四貫。通算作一處。

其十人各得四十貫之罪。造意者為首。該杖一百。餘人為從。各減一等。止杖九十之類。餘條准此。

初犯並於右小臂膊上刺竊盜二

初犯並於右小臂膊上刺竊盜二

字。再犯刺左小臂膊。三犯者絞。以
曾經刺字為坐。○掏摸者。罪同。○
若軍人為盜。雖免刺字。三犯一體
處絞。

一貫以下杖六十

一貫之上至一十貫杖七十

二十貫杖八十

三十貫杖九十

四十貫杖一百

五十貫杖六十徒一年

六十貫杖七十徒一年半

七十貫杖八十徒二年

八十貫杖九十徒二年半

九十貫杖一百徒三年

一百貫杖一百流二千里

一百一十貫杖一百流二千五百

里

一百二十貫罪止杖一百流三千

里

盜馬牛畜產

凡盜馬牛。驢騾。猪羊。雞犬。鵝鴨者。並計賊。以竊盜論。若盜官畜產者。以常人盜官物論。○若盜馬牛而殺者。杖一百。徒三年。驢騾杖七十。徒一年半。若計賊重於本罪者。各加盜罪一等。

盜田野穀麥

凡盜田野穀麥菜果及無人看守器
物者並計賊唯竊盜論免刺○若
山野柴草木石之類他人已用工
力斫伐積聚而擅取者罪亦如之

親屬相盜

凡各居親屬相盜財物者期親減凡
人五等大功減四等小功減三等
總麻減二等無服之親減一等並
免刺若行強盜者尊長犯卑幼亦

各依上減罪。卑幼犯尊長以凡人論。若有殺傷者。各依殺傷尊長。卑幼本律從重論。○若同居卑幼。將引他人盜已家財物者。卑幼依私擅用財物論。加二等罪止。杖一百。他人減凡盜罪一等。免刺。若有殺傷者。自依殺傷尊長。卑幼本律科罪。他人縱不知情。亦依強盜論。若他人殺傷人者。卑幼縱不知情。亦

係殺傷尊長卑幼本律從重論○
其同居奴婢雇工人盜家長財物
及自相盜者減凡盜罪一等免刺
恐嚇取財

凡恐嚇取人財物者計贓准竊盜論
加一等免刺○若期親以下自相
恐嚇者卑幼犯尊長以凡人論尊
長犯卑幼亦依親屬相盜律遞減
科罪

詐欺官私取財

凡用計詐欺官私以取財物者並計
賊准竊盜論免刺若期親以下自
相詐欺者亦依親屬相盜律遞減
科罪○若監臨主守詐取所監守
之物者以監守自盜論未得者減
二等○若冒認及誑縣局明拐帶
人財物者亦計賊准竊盜論免刺

畧人各賣人

凡設方畧而誘取良人及畧賣良人
為奴婢者皆杖一百流三千里為
妻妾子孫者杖一百徒三年因而
傷人者絞殺人者斬被畧之人不
坐給親完聚○若假以乞養過房
為名買良家子女轉賣者罪亦如
之○若和同相誘及相賣良人為
奴婢者杖一百徒三年為妻妾子
孫者杖九十徒二年半被誘之人

減一等。未賣者各減一等。十歲以下雖和亦同畧誘法。○若畧賣和誘他人奴婢者各減畧賣和誘良人罪一等。○若畧賣子孫為奴婢者杖八十。弟妹及姪姪孫外孫若已之妾子孫之婦者杖八十。徒二年。子孫之妾減二等。同堂弟妹堂姪及姪孫者杖九十。徒二年半。和賣者減一等。未賣者又減一等。被

賣卑幼不坐給親完娶。○其賣妻
為婢及賣大功以下親為奴婢者
各從凡人和略法。○若窩主及買
者知情並與犯人同罪牙保各減
一等並追價入官不知者俱不坐
追價還主

發塚

凡發掘墳塚見棺槨者杖一百流三
千里已開棺槨見屍者絞發而未

至棺槨者杖一百徒三年

招魂而葬亦是

若塚先穿陷及未殯埋而盜屍柩者杖九十徒二年半。開棺槨見屍者亦絞。其盜取器物磚石者計贓。准凡盜論免刺。○若卑幼發尊長墳塚者同凡人論。開棺槨見屍者斬。若棄屍賣墳地者罪亦如之。買地人牙保知情者各杖八十。追價入官。逆歸同宗親屬不知者不坐。

若尊長發卑幼墳塚開棺槨見屍者總麻杖一百徒三年。小功以上各遞減一等。發子孫墳塚開棺槨見屍者杖八十。其有故而依禮遷葬者俱不坐。○若殘毀他人死屍及棄屍水中者各杖一百流三千里。謂死屍在家或在野未殯葬將屍焚燒支解之類若已殯葬者自依發塚開棺槨見屍律從重論若毀棄總麻以上尊長死屍者斬棄而不失及髡

髮若傷者各減一等。總麻以上卑
幼各依凡人。遞減一等。毀棄子孫
死屍者杖八十。其子孫毀棄祖父
母父母及奴婢雇工人毀棄家長
死屍者斬。○若穿地得死屍不即
掩埋者杖八十。若於他人墳墓熏
狐狸因而燒棺槨者杖八十。徒二
年。燒屍者杖一百。徒三年。若總麻
以上尊長各遞加一等。卑幼各依

凡人遮減一等。若子孫於祖父母。父母。及奴婢雇工人於家長墳墓。熏狐狸者。杖一百。燒棺槨者。杖一百。徒三年。燒屍者。絞。○若平治他人墳墓為田園者。杖一百。於有主墳地內盜塋者。杖八十。勒限移葬。○若地界內有死人。里長地隣不申報官司檢驗而輒移他處。及埋藏者。杖八十。以致失屍者。杖一百。

殘毀及棄屍水中者杖六十。徒一
年。棄而不失。及髡髮若傷者。各減
一等。因而盜取衣服者。計贓准竊
盜論。免刺。

夜無故入人家

凡夜無故入人家內者。杖八十。主家
登時殺死者。勿論。其已就拘執。而
擅殺傷者。減鬪毆傷罪二等。至死
者。杖一百。徒三年。

盜賊窩主

凡強盜窩主造意身雖不行但分賊者斬。若不行又不分賊者杖一百。流三千里。共謀者行而不分賊及分賊而不行皆斬。若不行又不分賊者杖一百。○竊盜窩主造意身雖不行但分賊者為首論。若不行又不分賊者為從論。以臨時主意上盜者為首。其為從者行而不分

賊及分賊而不行仍為後論。若不
行又不分賊。笞四十。○若本不同
謀相遇共盜。以臨時主意上盜者
為首。餘為從論。○其知人畧賣和
誘人及強竊盜後而分賊者。計所
分賊。准竊盜為從論。免刺。○若知
強竊盜賊而故買者。計所買物坐
賊論。知而寄藏者。減一等。各罪止
杖一百。其不知情誤買及受寄者。

俱不坐。

共謀為盜

凡共謀為強盜臨時不行而行者。却為竊盜共謀者。分贓造意者。為竊盜首。餘人並為竊盜從。若不分贓造意者。為竊盜從。餘人並管五十。以臨時主意上盜者。為竊盜首。○其共謀為竊盜臨時不行而行者。為強盜。其不行之人造意者。分贓。

知情不知情並為竊盜首。造意者不分賊及餘人分賊俱為竊盜從。以臨時主意及共為強盜者不分首從論。

公取竊取皆為盜

凡盜公取竊取皆為盜。

公取謂行盜之人。公然而

取其財竊取謂潛形隱面。私竊取其財皆名為盜。器物錢

帛之類須移徙已離盜所珠玉寶貨之類據入手隱藏縱未將行亦

是其木石重器。非人力所勝。雖從本處未駛載間。猶未成盜。馬牛駝騾之類。須出闌圈。鷹犬之類。須導制在已。乃成為盜。若盜馬一匹。別有馬隨。不令併計為罪。若盜其母而子隨者。皆併計為罪。

起除刺字

凡盜賊曾經刺字者。俱發原籍收充警跡。該徒者。役滿充警。該流者。於流所充警。若有起除原刺字樣者。

杖六十。補刺。

人命 計二十條

謀殺人

凡謀殺人造意者斬。從而加功者絞。不加功者杖一百。流三千里。殺訖乃坐。○若傷而不死造意者絞。從而加功者杖一百。流三千里。不加功者杖一百。徒三年。○若謀而已行未曾傷人者杖一百。徒三年。為

從者各杖一百。但同謀者皆坐。○其造意者身雖不行仍為首論。從者不行減行者一等。○若因而得財者同強盜不分首論皆斬。

謀殺制使及本管長官

凡奉制命出使而官吏謀殺及部民謀殺本屬知府知州知縣軍士謀殺本管指揮千戶百戶若吏卒謀殺本部五品以上長官已行者杖

一百。流二千里。已傷者。絞。已殺者。皆斬。

謀殺祖父母父母

凡謀殺祖父母父母。及期親尊長外祖父母。夫。夫之祖父母。父母。已行者。皆斬。已殺者。皆凌遲處死。謀殺者。皆斬。已傷者。絞。已殺者。皆斬。○二千里。已傷者。絞。已殺者。皆斬。○其尊長謀殺卑幼。已行者。各依故

殺罪減二等。已傷者減一等。已殺

者依故殺法。

依故殺法者請各依開除條內尊長故殺

卑幼律論罪

若奴婢及雇工人謀殺家

長及家長之期親外祖父母若總

麻以上親者罪與子孫同

殺死姦夫

凡妻妾與人姦通而於姦所親獲姦

夫姦婦登時殺死者勿論若止殺

死姦夫者姦婦依律斷罪從夫嫁

賣○其妻妾因姦同謀殺死親夫者。凌遲處死。姦夫處斬。若姦夫自殺其夫者。姦婦雖不知情。絞。

謀殺故夫父母

凡妻妾謀殺故夫之祖父母。父母者。並與謀殺舅姑罪同。○若奴婢謀殺舊家長者。以凡人論。

謂將自己奴婢轉賣

他人者皆同凡人餘條准此

殺一家三人

凡殺一家非死罪三人及支解人者
凌遲處死財產斷付死者之家妻
子流二千里為從者斬

採生拏割人

凡採生拏割人者凌遲處死財產斷
付死者之家妻子及同居家口雖
不知情並流二千里安置為從者
斬若已行而未曾傷人者亦斬妻
子流二千里為從者杖一百流三

千里里長知而不舉者杖一百。不知者不坐。告獲者官給賞銀二十兩。

造畜蠱毒殺人

凡造畜蠱毒堪以殺人及教令者斬。造畜者財產入官。妻子及同居家口雖不知情並流二千里安置。若以蠱毒毒同居人其被毒之人父母妻妾子孫不知造畜情者不在

流遠之限。若里長知而不舉者。各杖一百。不知者。不坐。告獲者。官給賞銀二十兩。○若造魘魅符書咒詛。欲以殺人者。各以謀殺論。因而致死者。各依本殺法。欲令人疾苦者。減二等。其子孫於祖父母。父母奴婢雇工人。於家長者。各不減。○若用毒藥殺人者。斬。買而未用者。杖一百。徒三年。知情賣藥者。與同。

罪不知者不坐

鬪毆及故殺人

凡鬪毆殺人者不問手足他物金刃
並絞○故殺者斬○若同謀共毆
人因而致死者以致命傷為重下
手者絞元謀者杖一百流三千里
餘人各杖一百

屏去人服食

凡以他物置人耳鼻及孔竅中若故

屏去人服用飲食之物而傷人者

杖八十

謂寒月脫去人衣服飢渴之人絕其飲食登高乘馬

私去擇

嚙之類致成殘廢疾者杖一百徒

三年令至篤疾者杖一百流三千

里將犯人財產一半給付篤疾之

人養贍至死者絞○若故用蛇蝎

毒重咬傷人者以鬪毆傷論因而

致死者斬

戲殺誤殺過失殺傷人

凡因戲而殺傷人。及因鬪毆而誤殺傷傍人者。各以鬪殺傷論。其謀殺故殺人而誤殺傍人者。以故殺論。

○若知津河水深泥濘而詐稱平淺。及橋梁渡船朽漏不堪渡人而詐稱牢固。誑令人過渡以致陷溺死傷者。亦以鬪殺傷論。○若過失殺傷人者。各准鬪殺傷罪。依律收贖。給付其家。

過失謂耳目所不及思慮所不到如彈射

禽獸因事投擲，傳走，不期而殺人者，或因升高陲，有蹉跌累及同伴，或駕舡使風，乘馬驚走，馳車下坡，勢不能止，或共舉重物，力不能制，損及同舉物者，凡初無害人之意，而偶致殺傷人者，皆准開毆殺傷人罪。依律收贖，給付被殺被傷之家，以為塋葬及醫藥之資。

夫毆死有罪妻妾

凡妻妾因毆罵夫之祖父母、父母，而夫擅殺死者，杖一百。若夫毆罵妻妾，因而自盡身死者，勿論。

殺子孫及奴婢圈賴人

凡祖父母。父母。故殺子孫。及家長故殺奴婢。圖賴人者。杖七十。徒一年。半。○若子孫將已死祖父母。父母。奴婢。雇工人。將家長身屍圖賴人者。杖一百。徒三年。期親尊長杖八十。徒二年。大功小功總麻。各遞減一等。○若尊長將已死卑幼。及他人身屍。圖賴人者。杖八十。○其告官者。隨所告輕重。並依誣告平人。

律論罪○若因而詐取財物者。以
賊。往竊盜論。搶去財物者。往白晝
搶奪論。免刺。各從重科斷。

弓箭傷人

凡故向城市。及有人居止宅舍。放彈
射箭。投擲磚石者。笞四十。傷人者。
減凡鬪傷一等。因而致死者。杖一
百。流三千里。

車馬殺傷人

凡無故於街市鎮店馳驟車馬因而傷人者減凡鬪傷一等至死者杖一百流三千里若於鄉村無人曠野地內馳驟因而傷致死者杖一百並追埋壘銀一十兩○若因公務急速而馳驟殺傷人者以過失論

庸醫殺傷人

凡庸醫為人用藥鍼刺誤不依本方

因而致死者。責令別醫。辨驗藥餌。穴道如無故害之情者。以過失殺人論。不許行醫。○若故違本方。詐療疾病。而取財物者。計贓。准竊盜論。因而致死。及因事故用藥殺人者。斬。

窩弓殺傷人

凡打捕戶。於深山曠野。猛獸往來去處。穿作阮窠。及安置窩弓。不立望。

竿及抹眉小索者。笞四十。以致傷人者。減鬪毆傷二等。因而致死者。杖一百。徒三年。追徵埋葬銀一十兩。

威逼人致死

凡因事威逼人致死者。杖一百。若官吏公使人等。非因公務而威逼平民致死者。罪同。並追埋葬銀一十兩。○若威逼期親尊長致死者。絞。

大功以下。遞減一等。○若因姦盜而威逼人致死者。斬。

尊長為人殺私和

凡祖父母。父母。及夫。若家長為人所殺。而子孫妻妾奴婢。雇工人。私和者。杖一百。徒三年。期親尊長被殺。而卑幼私和者。杖八十。徒二年。大功以下。各遞減一等。其卑幼被殺。而尊長私和者。各減一等。若妻妾

子孫及子孫之婦。奴婢雇工人被殺而祖父母。父母。家長私和者。杖八十。受財者。計贓准竊盜論從重科斷。○常人私和人命者。杖六十同行知有謀害

凡知同伴人欲行謀害他人。不即阻當救護。及被害之後。不肯告者。杖一百

鬪毆計二十二條

鬪毆

凡鬪毆

相爭為鬪。相打為毆。

以手足毆人。不成

傷者。笞二十。成傷。及以他物毆人。

不成傷者。笞三十。成傷者。笞四十。

青赤腫為傷。非手足者。其餘皆為

他物。即兵不用刃。亦是拔髮。方寸

以上。笞五十。若血從耳目中出。及

內損吐血者。杖八十。以穢物污人

頭面者。罪亦如之。

折人一齒。及手足一指。眇人一目。
抉毀人耳鼻。若破人骨。及用湯火。
銅鐵汁傷人者。杖一百。以穢物灌
入人口鼻內者。罪亦如之。

折二齒。二指。以上○及髡髮者。杖
六十。徒一年。

折人肋。眇人兩目。墮人胎。及刃傷

人者。杖八十。徒二年。

墮胎者。辜內
子死。及胎九

十日之外。成形者。乃坐其罪。因毀
者。辜外子死。及胎九十日之內。未

成形者各從本毆傷
法不生墮胎之罪

折跌人肢體及瞎人一目者杖一
百徒三年○瞎人兩目折人兩肢
損人二事以上及因舊患令致篤
疾若斷人舌及毀敗人陰陽者並
杖一百流三千里仍將犯人財產
一半斷付被傷篤疾之人養贍二
事以上謂或毀人一目瞎人又折一
肢之類及因舊患令致篤疾如人
舊瞎一目為殘疾更瞎一目或篤
疾或先折一肢為殘疾更瞎一目

成篤疾。斷人舌。謂將人舌割斷。令人全不能說話。毀敗人陰陽。謂割去男子莖物。破損外腎者。並杖一百。流三千里。將犯人家產一半。斷付被傷篤疾之人養贍。若將婦人陰門非理毀壞者。止科其罪。不在斷付財產。同謀共毆傷人者。各以一半之限。下手傷重者。為重罪。元謀減一等。○若因鬪互相毆傷者。各驗其傷之輕重定罪。後下手理直者。減二等。至死及毆兄姊伯叔者。不減。

保辜限期

凡保辜者。責令犯人醫治。辜限內皆

湏因傷死者。以聞。毆殺人論。謂毆

各依限保辜。然傷人皆湏因毆。乃是。若打人頭傷。風從頭瘡。而又因

風致死之類。以○其在辜限外。及

雖在辜限內。傷已平復。官司文案

明白。別因他故死者。各從本毆傷

法。謂打人頭傷。不因頭瘡得風。別因他病而死。是為他故。各依本

毆傷科罪。若折傷以上。辜內醫治平復

者。各減二等。墮胎子死。辜內雖平

復而成殘廢篤疾及辜限滿日。不
平復者。各依律全科。○手足及以
他物毆傷人者。限二十日。○以刃
及湯火傷人者。三十日。○折跌肢
體及破骨墮胎者。無問手足他物。
皆限五十日。

宮內忿爭

凡於宮內忿爭者。笞五十。毆徹御在
所及相毆者。杖一百。折傷以上。加

凡鬪毆傷二等。殿內又遞加一等。
皇家祖免以上親被毆

凡皇家祖免親而毆之者杖六十。徒
一年。傷者杖八十。徒二年。折傷以
上重者加凡鬪二等。總麻以上各
遞加一等。篤疾者絞死者斬。

毆制使及本管長官

凡奉制命出使而官吏毆之及部民
毆本屬知府知州知縣軍士毆本

管指揮千戶百戶。若吏卒毆本部
五品以上長官杖一百徒三年。傷
者杖一百流二千里。折傷者絞。若
毆六品以下長官各減三等。毆佐
貳官首領官又各遞減一等。減罪
輕者加凡鬪一等。篤疾者絞。死者
斬。○若流外官及軍民吏卒毆非
本部三品以上官者杖八十徒二
年。傷者杖一百徒三年。折傷者杖

一百。流二千里。毆傷五品以上官者。減二等。若減罪輕。及毆傷九品以上官者。各加凡鬪傷二等。○其公使人在外。毆打有司官者。罪亦如之。從所屬上司拘問。

佐貳統屬毆長官

凡本衙門首領官。及所統屬官。毆傷長官者。各減吏卒。毆傷長官二等。佐貳官。毆長官者。又各減二等。減

罪輕者。加凡鬪一等。篤疾者。絞死。
者。斬。

上司官與統屬官相毆

凡監臨上司佐貳首領官。與所統屬
下司官品級高者。及與部民有高
官而相毆者。並同凡鬪論。若非相
統屬官品級同。自相毆者。亦同凡
鬪論。

九品以上官毆官長

凡流內九品以上官毆非本管三品以上官者杖六十徒一年折傷以上及毆傷五品以上若五品以上毆傷三品以上官者各加凡鬪傷二等

拒毆追攝人

凡官司差人追徵錢糧勾攝公事而抗拒不服及毆所差人者杖八十若傷重至內損吐血以上及本犯

重者各加二等。罪止杖一百。流三千里。至篤疾者。絞死者。斬。

毆受業師

凡毆受業師者。加凡人二等。死者。斬。威力制縛人。

凡爭論事。理聽經官陳告。若以威力制縛人。及於私家拷打監禁者。並杖八十。傷重至內損吐血以上各加凡鬪傷二等。因而至死者。絞。

以威力主使人毆打而致死傷者
並以主使之人為首下手之人為
從論減一等

良賤相毆

凡奴婢毆良人者加凡人一等至篤
疾者絞死者斬其良人毆傷殺他
人奴婢者減凡人一等若死及故
殺者絞若奴婢自相毆傷殺者各
依凡鬪傷殺法相侵財物者不用

此律。○若毆總麻小功親奴婢非折傷勿論。至折傷以上各減殺傷凡人奴婢罪二等。大功減三等。至死者杖一百。徒三年。故殺者絞。過失殺者各勿論。○若毆總麻小功親雇工人非折傷勿論。至折傷以上各減凡人罪一等。大功減二等。至死及故殺者並絞。過失殺者各勿論。

奴婢毆家長

凡奴婢毆家長者皆斬殺者皆凌遲處死過失殺者絞傷者杖一百流三千里若毆家長之期親及外祖父母者絞傷者皆斬過失殺者減毆罪二等傷者又減一等故殺者皆凌遲處死毆家長之總麻親杖六十徒一年小功杖七十徒一年半大功杖八十徒二年折傷以上

總麻加毆良人罪一等。小功加二等。大功加三等。加者加入於死死。死者皆斬。○若雇工人毆家長及家長之期親。若外祖父母者杖一百。徒三年。傷者杖一百。流三千里。折傷者絞死者斬。故殺者凌遲處死。過失殺傷者各減本殺傷罪二等。毆家長之總麻親杖八十。小功杖九十。大功杖一百。傷重至內損吐。

血以上。總麻小功。加凡人罪一等。
大功加二等。死者各斬。○若奴婢
有罪。其家長及家長之期親。若外
祖父母。不告官司。而毆殺者。杖一
百。無罪而殺者。杖六十。徒一年。當
房人口。悉放從良。○若家長及家
長之期親。若外祖父母。毆雇工人。
非折傷勿論。至折傷以上。減凡人
三等。因而致死者。杖一百。徒三年。

故殺者絞。○若違犯教令而依法決罰邂逅致死及過失殺者各勿論。

妻妾毆夫

凡妻妾毆夫者杖一百。夫願離者聽。
謂夫自告乃坐至折傷以上各加凡鬪傷三等。至篤疾者絞死者斬。故殺者凌遲處死。○若妾毆夫及正妻者又各加一等。加者加入於死。○其

夫毆妻。非折傷勿論。至折傷以上。減凡人二等。須妻自告乃坐。先行審問。夫婦如願離異者。斷罪離異。不願離異者。驗罪收贖。至死者。絞。毆傷妻至折傷以上。減毆傷妻二等。至死者。杖一百。徒三年。妻毆傷妾。與夫毆妻罪同。亦須妾自告乃坐。過失殺者。各勿論。○若毆妻之父母者。杖一百。折傷以上。各加凡鬪傷罪一等。至

篤疾者絞死者斬。

同姓親屬相毆

凡同姓親屬相毆。雖五服已盡。而尊卑名分猶存者。尊長減凡鬪一等。卑幼加一等。至死者。並以凡人論。毆大功以下尊長。

凡卑幼毆本宗及外姻。總麻兄姊杖一百。小功杖六十。徒一年。大功杖七十。徒一年半。尊屬又各加一等。

尊屬與父母同輩者。如同堂。折
叔。父母姑及母舅。母姨之類。折
傷以上各遞加凡鬪傷一等。篤疾
者。絞死者。斬。○若尊長毆卑幼非
折傷勿論。至折傷以上。總麻減凡
人一等。小功減二等。大功減三等。
至死者。絞。其毆殺同堂弟妹堂姪
及姪孫者。杖一百。流三千里。故殺
者。絞。

毆期親尊長

凡弟妹毆兄姊者杖九十。徒二年半。
傷者杖一百。徒三年。折傷者杖一
百。流三千里。刃傷及折肢若瞎其
一目者絞死。若姪毆伯叔
父母姑及外孫毆外祖父母各加
一等。其過失殺傷者各減本殺傷
罪二等。故殺者皆凌遲處死。若與人謀故殺親屬者。外人造意下手從而加功從而不加功。自作。凡人殺餘條律科罪。○其兄姊毆殺弟妹及

伯叔姑毆殺姪并姪孫若外祖父母毆殺外孫者杖一百徒三年故殺者杖一百流二千里過失殺者各勿論

毆祖父母父母

凡子孫毆父母父母及妻妾毆夫之祖父母父母者皆斬殺者皆凌遲處死過失殺者杖一百流三千里傷者杖一百徒三年○其子孫違

犯教令而祖父母。父母。非理毆殺者。杖一百。故殺者。杖六十。徒一年。嫡繼慈養母。殺者。各加一等。致令絕嗣者。絞。若非理毆子孫之婦。及乞養異姓子孫。致令廢疾者。杖八十。篤疾者。加一等。並令歸宗。子孫之婦。追還嫁粧。仍給養贍銀。一十兩。乞養子孫。撥付合得財產養贍。至死者。各杖一百。徒三年。故殺者。

各杖一百。流二千里。妾各減二等。
○其子孫毆罵祖父母。父母。及妻
妾毆罵夫之祖父母。父母。而毆殺
之。若違犯教令。而依法決罰邂逅
致死。及過失殺者。各勿論。

妻妾與夫親屬相毆

凡妻妾毆夫之期親以下。總麻以上
尊長。與夫毆同罪。至死者。各斬。○
若妻毆傷卑屬。與夫毆同。至死者。

絞○若毆殺夫之兄弟子杖一百
流三千里故殺者絞妾犯者各從
凡鬪法○若尊長毆傷卑幼之婦
減凡人一等妾又減一等至死者
絞○若弟妹毆兄之妻加凡人一
等○若兄姊毆弟之妻及妻毆夫
之弟妹及弟之妻各減凡人一等
若毆妾者各又減一等○其毆姊
妹夫妻之兄弟及妻毆夫之姊妹

夫者以凡鬪論若妾犯者各加一等○若妾毆夫之妾子減凡人二等毆妻之子以凡人論若妻之子毆傷父妾加凡人一等妾子毆傷父妾又加二等○至死者各依凡人論

毆妻前夫之子

凡毆妻前夫之子者謂先曾同居減凡人一等同居者又減一等至死

者絞

○

若毆繼父者

亦謂先曾同居今不同居

者杖六十。徒一年。折傷以上。加凡

聞傷一等。同居者。又加一等。至死

者斬。○其故殺及自來不曾同居

者。各以凡人論。

妻妾毆故夫父母

凡妻妾夫亡改嫁。毆故夫之祖父母。

父母者。並與毆舅姑罪同。其舊舅

姑。毆已故子孫改嫁妻妾者。亦與

毆子孫婦同○若奴婢毆舊家及
及家長毆舊奴婢者各以凡人論
父祖被毆

凡祖父母父母為人所毆子孫即時
救護而還毆非折傷勿論至折傷
以上減凡聞三等至死者依常律
○若祖父母父母為人所殺而子
孫擅殺行兇人者杖六十其即時
殺死者勿論

罵詈計八條

罵人

凡罵人者。答一十。互相罵者。各答一十。

罵制使及本管長官

凡奉制命出使官吏罵詈。及部民罵本屬知府。知州。知縣。軍士罵本管指揮。千戶。百戶。若吏卒罵本部五品以上長官。杖一百。若罵六品以

下長官各減三等。罵佐貳官首領官。又各遞減一等。並親聞乃坐

佐職統屬罵長官

凡首領官及統屬官罵五品以上長官杖八十。若罵六品以下長官減三等。佐貳官罵長官者又各減二等。並親聞乃坐

奴婢罵家長

凡奴婢罵家長者絞罵家長之期親

及外祖父母者杖八十。徒二年。大功杖八十。小功杖七十。總麻杖六十。若雇工人罵家長者杖八十。徒二年。罵家長之期親及外祖父母者杖一百。大功杖六十。小功杖五十。總麻笞四十。並須親告乃坐

罵尊長

凡罵總麻兄弟笞五十。小功杖六十。大功杖七十。尊屬各加一等。若罵

兄弟者。杖一百。伯叔父母姑。外祖
父母。各加一等。並須親
告乃坐

罵祖父母父母

凡罵祖父母。父母。及妻妾罵夫之祖

父母。父母者。並絞。願親告
乃坐

妻妾罵夫期親尊長

凡妻妾罵夫之期親以下。總麻以上
尊長。與夫罵罪同。妾罵夫者。杖八
十。妾罵妻者。罪亦如之。若罵妻之

父母者杖六十。並須親告乃坐

妻妾罵故夫父母

凡妻妾夫亡改嫁罵故夫之祖父母。父母者並與罵舅姑罪同。○若奴婢罵舊家長者以凡人論。

訴訟計二十二條

越訴

凡軍民詞訟皆須自下而上陳告。若越本管官司輒赴上司稱訴者。笞

五十。○若迎車駕及擊登聞鼓申訴而不實者杖一百。事重者從重論得實者免罪。

投匿名文書告人罪

凡投隱匿姓名文書告言人罪者。絞見者即便燒毀。若將送入官司者杖八十。官司受而為理者杖一百。被告言者不坐。若能連文書捉獲解官者。官給銀一十兩充賞。

告狀不受理

凡告謀反逆叛官司不即受理掩捕者杖一百徒三年以致聚衆作亂攻陷城地及劫掠人民者斬若告惡逆不受理者杖一百告殺人及強盜不受理者杖八十鬪毆婚姻田宅等事不受理者各減犯人罪二等並罪止杖八十受財者計賕以枉法從重論○若詞訟元告被

論在兩處川縣者。聽元告就彼論
官司告理歸結。推故不受理者。罪
亦如之。○若都督府各部。監察御史。按察司。及分司巡歷去處。應有
詞訟。未經本管官司陳告。及本宗
公事未絕者。並聽置簿立限。發當
該官司追問。取具歸結緣由。勾銷
若有遲錯。不即舉行改正者。與當
該官吏同罪。其已經本管官司陳

告不為受理。及本宗公事已絕理。斷不當稱訴冤枉者。各衙門即便勾問。若推故不受理。及轉委有司。或仍發元問官司。收問者。依告狀不受理律論罪。○若追問詞訟。及大小公事。須要就本衙門歸結。不得轉委違者。隨所告事理輕重。以坐其罪。謂如所告公事。合得杖罪。坐以杖罪。合得笞罪。坐以笞罪。死罪已決放者。同罪。未決放。減等。徒流罪。抵徒罪。

聽訟迴避

凡官吏於訴訟人內。關有服親。及婚姻之家。若受業師。及舊有讐嫌之人。並聽移文迴避。違者。笞四十。若罪有增減者。以故出入人罪論。

誣告

凡誣告人笞罪者。加所誣罪二等。流徒杖罪。加所誣罪三等。各罪止杖一百。流三千里。若所誣徒罪。人已

役流罪人。已配。雖經改正放回。驗

日於犯人名下追徵。用過路費給

還。若曾經典賣田宅者。着落犯人

備價取贖。因而致死。隨行有服親

屬一人者。絞。將犯人財產一半斷

付被誣之人。其被誣之人。致死。親屬

然。仍令備償路費。取贖。田宅。人雖處

財產一半。斷付被誣之人。養贍。又將

至死罪。所誣之人。已決者。反坐以

死。其被誣之人。已決。處決者。犯人

雖生。死罪。亦令備償路費。取贖。

田宅斷付財產未決者杖一百田宅斷付財產未決者杖一百

三千里加役三年○其犯人如果

貧乏無可備償路費取贖田宅亦

無財產斷付者止科其罪○其被

誣之人詐冒不實及誣犯人者亦

抵所誣之罪犯人止反坐本罪謂被

誣之人本不曾致死親屬詐作致

死或侮他人死屍冒作親屬誣類

犯人者亦抵絞罪犯人止反坐誣

告本罪不在加等備償路費取贖

田宅斷付財產若告二事以上重事

產一半斷付限若告二事以上重事

告實輕事招虛及數事罪同但一事告實者皆免罪○若告二事以上輕事告實重事招虛或告一事誣輕為重者皆反坐所刺若已論決全抵剝罪未論決笞杖收贖徒派止杖一百餘罪亦聽收贖謂誣至徒流罪者每徒一等折杖三十若從徒入流者三派並從徒四十年皆以一年為所刺罪折杖四十若從近派入至遠派者每派一等准徒半年為所刺罪亦各折杖二十收贖者謂如告一人二事一事

該告五十。是虛。一事該告三十。是實。即於告五十上准告實告三十。外該利下告虛告二十。贖銅錢一貫二百文。或告一人一事。該杖一百。是虛。一事杖六十。是實。即於杖一百上准告實杖六十。外該利下告虛杖四十。贖銅錢二貫四百文。及告一人一事。該杖一百。徒三年。是虛。一事杖八十。是實。即於杖一百徒三年上准告實杖八十。外該利下告虛杖二十。徒三年之罪。徒五等。該折杖一百。通計杖一百。二十。反坐元告人杖一百。餘剩杖二十。贖銅錢一貫二百文。又如告一人一事。該杖一百。流三千里。於內同得止。招該杖一百。三流並准徒四年。通計折杖二百四十。反坐元告人杖一百。餘剩杖四十。贖銅

錢二貫四百文之類。若已論決，並以刺罪全科，不在收贖之類。○

至死罪而所誣之人已決者，反坐以死。未決者，止杖一百，流三千里。

○若律該罪止者，誣告雖多，不反

坐。謂如告人不枉法贓二百貫，一

律不枉法贓一百二十貫以上，罪止杖一百，流三千里，即免其罪。

其告二人以上，但有一人不實者，

罪雖輕，猶以誣告論。謂如有人告

罪是實，一人答罪是虛，仍以一人答罪上加二等，反坐元告之類。

○若各衙門官進呈實封誣告人
及風憲官挾私彈事有不實者罪
亦如之若反坐及加罪輕者後上
書訴不實論○若獄囚已招伏罪
本無冤枉而囚之親屬妄訴者減
囚罪三等罪止杖一百若囚已決
配而自妄訴冤枉無拾元問官吏
者加所誣罪三等罪止杖一百流
三千里

干名犯義

凡子孫告祖父母。父母。妻妾告夫。及夫之祖父母。父母者。杖一百。徒三年。但誣告者。絞。若告期親尊長。外祖父母。雖得實。杖一百。大功杖九十。小功杖八十。總麻杖七十。其被告大功期親尊長。及外父母。若妻之父母。並同自首。免罪。小功總麻尊長。得減本罪三等。若誣告重者。

各加所誣罪三等

若所罪不致於死

罪已後流罪已配銹經改正放四

徵用過路費給還若曾經典賣田

宅者看落犯人備價取贖因而致

厄隨行有服親屬一人者絞仍令

備償路費取贖田宅又將犯人財

產一半養贍其家未決者杖

一百流三千里加徒三年其告

謀反大逆謀叛窩藏姦細及嫡母

繼母慈母所生母殺其父若所養

父母殺其所生父母及被期親以

下尊長侵奪財產或毆傷其身應

自理訴者並聽告不在干名犯義
之限○若告卑幼得實期親大功
及女壻亦同自首免罪小功總麻
亦得減本罪三等誣告者期親減
所誣罪三等大功減二等小功總
麻減一等若誣告妻及妻誣告妾
亦減所誣罪三等○若奴婢告家
長及家長總麻以上親者與子孫
卑幼罪同若雇工人告家長及家

長之親者各減奴婢罪一等。誣告者不減。○其祖父母、父母、誣告子孫、外孫、子孫之婦妾及已之妾。若奴婢及雇工人者各勿論。○若女壻與妻父母果有義絕之狀許相告言各依常人論。義絕之狀謂如男將妻改嫁或逐出外重別招壻及容止外人通姦又如本身毆妻至折傷抑妻通姦有妻詐稱無妻欺妄更娶妻以妻為妾受財將妻妾典雇作婢妹嫁人之類

子孫違犯教令

凡子孫違犯祖父母。父母教令。及奉

養有缺者。杖一百。

謂教令可從。而故違家道。堪奉

而故缺者。須祖父母。父母親告乃坐。

見禁囚不得告舉他事

凡被囚禁。不得告舉他事。其為獄官

獄卒。非理凌虐者。聽告。若應囚禁

被問。更言別事。有干連之人。亦合

雉首。依法堆問科罪。○其年八十

以上十歲以下。及篤疾者。若婦人除謀反逆叛。子孫不孝。或已身及同居之內。為人盜詐。侵奪財產。及殺傷之類。聽告餘。並不得告官司。受而為理者。笞五十。

教唆詞訟

凡教唆詞訟。及為人作詞狀。增減情罪。誣告人者。與犯人同罪。若受雇誣告人者。與自誣告同。受財者。計

賊以枉法從一論其見人愚而不能伸冤教令得實及為人書寫詞狀而罪無增減者勿論。

軍民約會詞訟

凡軍官軍人有犯人命管軍衙門約會有司檢驗歸問若姦盜詐偽戶婚田土鬪毆與民相干事務必須一體約問與民不相干者從本管軍職衙門自行追問其有占驗不

發首領官吏各笞五十。○若管軍官越分輒受民訟者罪亦如之。

官吏詞訟家人訴

凡官吏有爭論婚姻錢債田土等事聽令家人告官理對不許公文行移違者笞四十。

誣告充軍及遷徙

凡誣告充軍者民告抵充軍役軍告發邊遠充軍。○若官吏故將平人

頂替他人軍役者。以該當入人罪論。杖一百。流三千里。○若誣告人說事過錢者。於遷徙比流減半。准徒二年。上加所誣罪三等。併入所得笞杖通論。

受贓計二十一條

官吏受財

凡官吏受財者。計贓科斷。無祿人各減一等。官追奪除名。吏罷役俱不

叙○說事過錢者有祿人減受錢
一等無祿人減二等罪止杖一百
各遷徒有賊者計賊後重論

有祿人

枉法賊各主者通美全科

謂受有

而曲法科斷者如受十人財一時
事務通笑作一處全科其罪

一貫以下杖七十

一貫之上至五貫杖八十

一十貫杖九十

一十五貫杖一百

二十貫杖六十徒一年

二十五貫杖七十徒一年半

三十貫杖八十徒二年

三十五貫杖九十徒二年半

四十貫杖一百徒三年

四十五貫杖一百流二千里

五十貫杖一百流二千五百里

五十五貫杖一百流三千里

八十貫絞

不在法賊各主者通筭折半科罪

謂雖受有事人財判斷不為曲法者如受十人財一時事發通筭作

一處折半科罪

一貫以下杖六十

一貫之上至一十貫杖七十

二十貫杖八十

三十貫杖九十

四十貫杖一百

五十貫杖六十徒一年

六十貫杖八十徒一年半

七十貫杖八十徒二年

八十貫杖九十徒二年半

九十貫杖一百徒三年

一百貫杖一百流二千里

一百一十貫杖一百流二千五百

里

一百二十貫罪止杖一百流三千

里

無祿人

枉法一百二十貫絞

不枉法一百二十貫之上罪止杖

一百流三千里

坐贓致罪

凡官吏人等非因事受財坐贓致罪

各主者通筭折半科罪與者減五

等

謂如被人盜財或毆傷若陪償及醫藥之外因而受財之類各

主者。並通筭折半科罪。為兩相和
同。取與故出錢人減受錢人罪五
等。又。如擅科歛財物。或多收少徵
錢糧。雖不入已。或造作虛費人工
物料之類。凡罪由此。賊
者。皆名為坐贓致罪。

一貫以下答二十

一貫之上至一十貫答三十

二十貫答四十

三十貫答五十

四十貫杖六十

五十貫杖七十

六十貫杖八十

七十貫杖九十

八十貫杖一百

一百貫杖六十徒一年

二百貫杖七十徒一年半

三百貫杖八十徒二年

四百貫杖九十徒二年半

五百貫之上罪止杖一百徒三年

事後受財

凡有事先不許財。事過之後而受財。事若枉斷者。准枉法論。事不枉斷者。准不枉法論。

有事以財請求

凡諸人有事以財行求得枉法者。計所與財坐贓論。若有避難就易所枉重者。從重論。其官吏刁蹬用強生事。逼抑取受者。出錢人不坐。

在官家索借貧人財物

凡監臨官吏挾勢及豪強之人求索借貸所部內財物者並計贓枉枉法論強者枉法論財物給主○若將自己物貨散與部民及低價買物多取價利者並計餘利枉法論強者枉法論物貨價錢並入官給主○若於所部內買物不即支價及借衣服器玩之屬各經一月不還者並坐贓論○若

私借用所部內馬牛駝騾驢及車
船碾磨店舍之類各驗日計雇賃
錢亦坐贓論追錢給主○若接受
所部內饋送土宜禮物受者笞四
十與者減一等若因事而受者計
贓以不枉法論其經過去處供饋
飲食及親故饋送者不在此限○
其出使人於所差去處求索借貸
買賣多取價利及受饋送者並與

監臨官吏罪同○若去官而受舊部內財物及求索借貸之屬各減在官時三等

家人求索

凡監臨官吏家人於所部內取受求索借貸財物及役使部民若賣買多取價利之類各減本官罪二等若本官知情與同罪不知者不坐風憲官吏犯賊

凡風憲官吏受財及於所按治去處
求索借貸人財物若賣買多取價
利受財饋送之類各加其餘官吏
罪二等

因公擅科歛

凡有司官吏人等非奉上司明文因
公擅自科歛所屬財物及管軍官
吏總旗小旗科歛軍人錢糧賞賜
者杖六十賊重者坐賊論入已者

並計贓以枉法論○其非因公務
科歛人財物入已者計贓以不枉
法論若饋送人者雖不入已罪亦
如之

私受公侯財物

凡內外各衛指揮千戶百戶鎮撫總
旗小旗等不得於私下或明白接
受公侯所與寶鈔金銀段疋衣服
糧米錢物若受者軍官杖一百罷

職發邊遠充軍總旗小旗罪同再犯處死公侯與者初犯再犯免罪附過三犯准免死一次若奉命征討與者受者不在此限

尅留盜賊

凡巡捕官只獲盜賊尅留賊物不解官者笞四十入已者計賊以不枉法論仍將其賊併論盜罪若軍人弓兵有犯者計賊雖多罪止杖八

十

官吏聽許財物

凡官吏聽許財物。雖未接受。事若枉者。准枉法論。事不枉者。准不枉法論。各減一等。所枉重者。各從重論。詐偽計二十二條

詐為制書

凡詐為制書。及增減者。皆斬。未施行者。絞。傳寫失錯者。杖一百。○詐偽

將軍總兵官。五軍都督府。六部。都察院。都指揮使司。內外各衛指揮使司。守禦緊要隘口千戶所。文書套畫押字。盜用印信。及空紙用印者。皆絞。察院布政司按察司府州縣衙門者。杖一百。流三千里。其餘衙門者。杖一百。徒三年。未施行者。各減一等。若有規避事重者。從重論。○其當該官司知而聽行。各與

同罪。不知者不坐。

詐傳詔旨

凡詐傳詔旨者。斬。皇后。懿旨。皇太子令旨。親王令旨者。絞。○若詐傳一品二品衙門官言語於各衙門分付公事。有所規避者。杖一百。徒三年。三品四品衙門官言語者。杖一百。五品以下衙門官言語者。杖八十。為從者。各減一等。若得財者。計

賊以不枉法因而動事曲法者以枉法各從重論○其當該官司知而聽行各與同罪不知者不坐○若各衙門追究錢糧輶問刑名公事當該官吏將奏枉合行事理妄稱奉旨追問者斬

對制上書詐不以實

凡對制及奏事上書詐不以實者杖一百徒三年非密而妄言有密者

加一等。○若奉制推按問事報上不以實者杖八十徒二年。事重者以出入人罪論。

偽造印信曆日等

凡偽造諸衙門印信及曆日符驗夜巡銅牌茶鹽引者斬。有能告捕者官給賞銀五十兩。偽造關防印記者杖一百徒三年。告捕者官給賞銀三十兩。為從及知情行用者各

減一等。若造而未成者。各又減一等。其當該官司知而聽行。與同罪。不知者。不坐。

偽造寶鈔

凡偽造寶鈔。不分首從。及窩主。若知情行使者。皆斬。財產並入官。告捕者。官給賞銀二百五十兩。仍給犯人財產。里長知而不首。杖一百。不知者。不坐。其巡捕守把官軍。知情

故縱者與同罪。若搜獲偽鈔。隱匿入已。不解官者。杖一百。流三千里。失於巡捕。及透漏者。杖八十。仍依強盜責限跟捕。○若將寶鈔挑剝補換描改。以真作偽者。杖一百。流三千里。為從及知情行使者。杖一百。徒三年。○其同情偽造人。有能悔過捕獲。同伴首告者。與免本罪。亦依常人一體給賞。

私鑄銅錢

凡私鑄銅錢者。絞匠人罪同。為後及知情買使者。各減一等。告捕者。官給賞銀五十兩。里長知而不首者。杖一百。不知者。不坐。○若將時用銅錢剪錯薄小。取銅以求利者。杖一百。○若偽造金銀者。杖一百。徒三年。為從及知情買使者。各減一等。

詐假官

凡詐假官。假與人官者。斬。其知情受假官者。杖一百。流三千里。不知者。不坐。○若無官而詐稱有官。有所求為。或詐稱官司差違。而擯人及詐冒官負姓名者。杖一百。徒三年。若詐稱見任官子孫弟姪家人。統領於按臨部內有所求為者。杖一百。為從者。各減一等。若得財者。並

計賤。惟竊盜從重論。○其當該官司知而聽行與同罪。不知者不坐。詐稱內使等官。

凡詐稱內使。及都察院四輔諫院等官。六部監察御史。按察司官。在外體察事務。欺詐官府。扇惑人民者。斬。知情隨行者。減一等。其當該官司知而聽行。與同罪。不知者不坐。○若詐稱使臣。誦釋者。杖一百。流。

三千里為從者減一等驛官知而應付者與同罪不知情失盤詰者笞五十其有符驗而應付者不坐

近侍詐稱私行

凡近侍之人在外詐稱私行體察事

務扇惑人民者斬

謂如給事中尚書等官奉銜內

使義寫司官校尉之類

詐為瑞應

凡詐為瑞應者杖六十徒一年○若

有災祥之類。而欽天監官。不以實對者。加二等。

詐病死傷避事

凡官吏人等。詐稱疾病。臨事避難者。笞四十。事重者。杖八十。○若犯罪待對。故自傷殘者。杖一百。詐死者。杖一百。徒三年。所避事重者。各從重論。若無避。故自傷殘者。杖八十。其受雇倩。為人傷殘者。與犯人同。

罪因而致死者。減闖殺罪一等。○
若當該官司。知而聽行。與同罪。不
知者。不坐。

詐誘誘人犯法

凡諸人設計用言。教誘人犯法。及和
同令人犯法。却行捕告。或令人捕
告。欲求給賞。或欲陷害人得罪者。
皆與犯法之人同罪。

犯姦計一十條

犯姦

凡和姦杖八十。有夫杖九十。刁姦杖一百。○強姦者絞。未成者杖一百。流三千里。○姦幼女十二歲以下者。雖和同。強論。○其和姦刁姦者。男女同罪。姦生男女。責付姦夫收養。姦婦從夫嫁賣。其夫願留者聽。若嫁賣與姦夫者。姦夫奉夫各杖八十。婦人離異歸宗。財物入官。○

強姦者。婦女各不坐。○若媒合容
止通姦者。各減犯人罪一等。私和
姦事者。減二等。○其非姦所捕獲
及指姦者。勿論。若姦婦有孕。罪坐
本婦。

縱容妻妾犯姦

凡縱容妻妾。與人通姦。本夫姦夫姦
婦。各杖九十。抑勒妻妾。及乞養女。
與人通姦者。本夫義父。各杖一百。

姦夫杖八十。婦女不坐。並離異歸宗。○若縱容抑勒親女及子孫之婦妾與人通姦者。罪亦如之。○若用財買休賣休。和娶人妻者。本夫本婦及買休人各杖一百。婦人離異歸宗。財禮入官。若買休人與婦人用計逼勒本夫休棄。其夫別無賣休之情者。不坐。買休人及婦人各杖六十。徒一年。婦人餘罪收贖。

給付本夫。後其嫁賣妻。減一等。媒合人。各減犯人罪一等。

親屬相姦

凡姦同宗無服之親。及無服親之妻者。各杖一百。○若姦總麻以上親。及總麻以上親之妻。謂內外有若妻前夫之女。及同母異父姊妹者。各杖一百。徒三年。強者斬。若姦從祖祖母姑。從祖伯叔母姑。從父姊。

妹母之姊妹及兄弟妻兄弟子妻
者各絞強者斬若姦父祖妾伯叔
母姑姊妹子孫之婦兄弟之女者
各斬○妾各減一等強者絞謂強姦親屬妾者
該絞

誣執翁姦

凡男婦誣執親翁父舅婦誣執夫兄
姦姦者斬

奴及雇工人姦家長妻

凡奴及雇工人。姦家長妻女者。各斬。
○若姦家長之期親。若期親之妻
者。絞。婦女減一等。若姦家長之總
麻以上親及總麻以上親之妻者。
各杖一百。流二千里。強者斬。○妾
各減一等。強者亦斬。

姦部民妻女

凡軍民官吏姦所部妻女者。加凡姦
罪二等。各罷職。役不叙。婦女以凡

姦論○若姦囚婦者杖一百徒三年囚婦止坐原犯罪名

居喪及僧道犯姦

凡居父母及夫喪若僧尼道士女冠犯姦者各加凡姦罪二等相姦之人以凡姦論

良賤相姦

凡奴姦良人婦女者加凡姦罪一等良人姦他人婢者減一等奴婢相

姦者以凡姦論

官吏宿娼

凡官吏宿娼者杖六十。媒合人減一
等。○若官負子孫宿娼者罪亦如
之。附過候廕。褫之日降一等。於邊
遠敘用。

買良為娼

凡娼優樂人買良人子女為娼優及
娶為妻妾或乞養為子女者杖一

百。知情嫁賣者同罪。媒合人減一
等。財禮入官。子女歸宗。

雜犯 計二十一條

拆毀申明亭

凡拆毀申明亭房屋及毀板榜者杖
一百。流三千里。

夫匠軍士病給醫藥

凡軍士在鎮守之處。丁夫雜匠在工
役之所。而有疾病。當該官司不爲

請給醫藥救療者。笞四十。因而致死者。杖八十。若已行移所司。而不差撥良醫。及不給對訖藥餌醫治者。罪同。

賭博

凡賭博財物者。皆杖八十。攤場錢物入官。其開張賭坊之人同罪。止據見發為坐。職官加一等。○若賭飲食者。勿論。

閹割火者

凡官民之家不得乞養他人之子。閹割火者違者杖一百。流三千里。其子給親。

囑託公事

凡官吏諸色人等。曲法囑託公事者。

笞五十。但囑即坐。

謂所囑曲法之事不問從與不

從行典不行但囑即得此罪

當該官吏聽從者。

與同罪。不從者不坐。若事已施行。

者杖一百。所枉罪重者。官吏以故
出入人罪論。若為他人及親屬囑
託者。減官吏罪三等。自囑託已事
者。加本罪一等。○若監臨勢要為
人囑託者。杖一百。所枉重者。與官
吏同罪。至託者。減一等。謂監臨勢
要之人。但
曰十已。越
行亦杖一
百。所枉之
罪重於杖
一百者。官
吏與監臨
勢要之人
皆得故出
入人之罪
官吏
律合死者
監臨勢
要之人
合減死
一等若受賂者。並

計賊以枉法論○若官吏不避監臨勢要將囑託公事實跡赴上司首告者陞一等

私和公事

凡私和公事者減犯人罪二等罪止笞五十

失火

凡失火燒自己房屋者笞四十延燒官民房屋者笞五十因而致傷人

命者杖一百。罪坐失火之人。若延燒

宗廟及宮闕者絞

社城一等○若於

山陵兆域內失火者杖八十。徒二年。延燒林木者杖一百。流二千里。若於官府公廨及倉庫內失火者亦杖八十。徒二年。主守之人因而侵欺財物者計賊以監守自盜論。其外失火

而延燒者各減三等○若於庫藏
及倉廩內燃火者杖八十○其守
衛宮殿及倉庫者掌囚者但見火
起皆不離所守違者杖一百

放火故燒人房屋

凡放火故燒自己房屋者杖一百若
延燒官民房屋及積聚之物者杖
一百徒三年因盜取財物者斬
殺傷人者以故殺傷論○若放火

故燒官民房屋及公廨倉庫係官

積聚之物者皆斬

須於放火處捕獲有頭頭證

明白者其故燒人空閑房屋及田

場積聚之物者各減一等○並計

所燒之物減價儘犯人財產折剋

陪償還官給主

搬做雜劇

凡樂人搬做雜劇戲文不許粧扮歷

代帝王后妃忠臣烈士先聖先賢

神像違者杖一百。官民之家容令
粧扮者。與同罪。其神仙道扮。及義
夫節婦。孝子順孫。勸人為善者。不
在禁限。

違令

凡違令者。笞五十。

謂令有禁制。而
律無罪名者。

不應為

凡不應得為而為之者。笞四十。

謂律
令無

條理不
可為者。事理重者。杖八十。

捕亡計八條

應捕人追捕罪人

凡應捕人承差追捕罪人而推故不行。若知罪人所在而不捕者。減罪人罪一等。限三十日內能自捕得一半以上。雖不及一半。但所獲者最重。皆免其罪。雖一人捕得餘人亦同。若罪人已死。及自首各盡者。亦免罪。不盡者止。以不盡之人為

坐其非應捕人。臨時差遣者。各減
應捕人罪一等。受財故縱者。不給
捕限。各與囚同罪。贓重者。計贓以
枉法從重論。

罪人拒捕

凡犯罪逃走拒捕者。各於本罪上加
二等罪止。杖一百。流三千里。毆人
至折傷以上者。絞殺。人者。斬。為侵
者。各減一等。○若罪人持杖拒捕。

其捕者格殺之。及囚逃走捕者逐而殺之。若囚窘迫而自殺者。皆勿論。○若已就拘執。及不拒捕而殺。或折傷者。各以鬪殺論。罪人本犯應死而擅殺者。杖一百。

獄囚脫監及反獄在逃

凡犯罪被囚禁而脫監。及解脫自帶枷鎖。越獄在逃者。各於本罪上加二等。因而竊放他囚。罪重者。與囚

同罪並罪止杖一百流三千里本
犯應死者依常律○若罪囚反獄
在逃者皆斬同牢囚人不知情者
不坐

徒流人逃

凡徒流遷徙囚人役限內而逃者一
日笞五十每三日加一等罪止杖
一百仍發配所其徒囚照依元犯
徒年從新拘役役過月日並不淮

理○若起發已斷決徒流遷徙充
軍囚徒未到配所中途在逃者罪
亦如之○主守及押解人不覺失
囚者一名杖六十。每一名加一等。
罪止杖一百。皆聽一百日內追捕
提調官及長押官減主守及押解
人罪三等。限內能自捕得或他人
捕得若囚已死及自首皆免罪。故
縱者各與囚同罪。受財者計賊以

枉法從重論

稽留囚徒

凡應徒流遷徙充軍囚徒斷決後當該官司限一十日內如法枷杻差人管押牢固關防發遣所擬地方交割若限外無故稽留不送者三日笞二十每三日加一等罪止杖六十因而在逃者就將提調官吏抵犯人本罪發遣候捕獲犯人到

官替役至日踈放別叙。

抵犯人本罪。謂將提

調官吏照依犯人所犯該徒者抵

該充軍者抵充軍。候眼捕犯人得

若隣境官司囚到稽留不即遞送

者罪亦如之。○若發遣之時提調

官吏不行如法枷杻以致囚徒中

途解脫自帶枷杻在逃者與押解

人同罪。○並罪坐所由受財者計

贓以枉法從重論。

主守不覺失囚

凡獄卒不覺失囚者。減囚罪二等。若
囚自內反獄在逃。又減二等。聽給
限一百日追捕。限內能自捕得。及
他人捕得。若囚已死。及自首。皆免
罪。司獄官典減獄卒罪三等。其提
牢官。曾經躬親逐一點視罪囚枷
鎖。杻俱已如法。取責獄官獄卒。牢
固收禁文狀者。不坐。若不曾點視。

以致失囚者。與獄官罪同。故縱者。不給捕限。各與囚同罪。未斷之間。能自捕得。及他人捕得。若囚已死。及自首。各減一等。受財者。計贓。以枉法從重論。○若賊自外入。劫囚。力不能敵者。免罪。○若押解罪囚。中途不覺失囚者。罪亦如之。

知情藏匿罪人

凡知人犯罪事發。官司差人追喚。而

藏匿在家不行捕告。及指引道路。資給衣糧。送令隱避者。各減罪人罪一等。其展轉相送。而隱藏罪人知情者。皆坐不知者。勿論。○若知官司追捕罪人。而漏泄其事。致令罪人得以逃避者。減罪人罪一等。未斷之間。能自捕得者。免罪。若他人捕得。及罪人已死。若自首。又各減一等。

盜賊捕限

凡捕強竊盜賊。以事發日為始。當該應捕弓兵。一月不獲強盜者。笞二十。兩月笞三十。三月笞四十。捕盜官。罰俸錢兩月。弓兵一月。不獲竊盜者。笞一十。兩月笞二十。三月笞三十。捕盜官。罰俸錢一月。限內獲賊及半者。免罪。○若經隔二十日以上。告官者。不拘捕限。捕殺人賊。

與捕強盜限同。

斷獄計二十九條

囚應禁而不禁

凡獄囚應禁而不禁。應枷鎖杻而不枷鎖杻。及脫去者。若囚該杖罪。笞三十。徒罪笞四十。流罪笞五十。死罪杖六十。若應枷而鎖。應鎖而枷者。各減一等。○若囚自脫去。及司獄官典獄卒。私與囚脫去。枷鎖杻

者。罪亦如之。提牢官。知而不舉。與同罪。不知者。不坐。○其不應禁而禁。及不應枷鎖。而枷鎖。者。各杖六十。○若受財者。並計贓。以枉法從重論。

故禁故勘平人

凡官吏懷挾私讐。故禁平人者。杖八十。因而致死者。絞。提牢官及司獄官典獄卒。知而不舉首者。與同罪。

至死者減一等。不知者不坐。若因公事干連平人在官無招。誤禁致死。死者杖八十。有文案應禁者勿論。○若故勘平人者杖八十。折傷以上依凡鬪傷論。因而致死者斬。同僚官及獄卒知情共勘者與同罪。至死者減一等。不知情及依法拷訊者不坐。若因公事干連平人在官。事須鞫問。及罪人贓仗證佐明。

白。不服招承。明立文案。依法拷訊。
邂逅致死者。勿論。

淹禁

凡獄囚情犯已完監察御史提刑按察司審錄無寃。刑無追勘。事理應斷決者。限三日內斷決。應起發者。限一十日內起發。若限外不斷決。不起發者。當該官吏三日答二十。每三日加一等。罪止杖六十。因而

淹禁致死者。若囚該死罪。杖六十。
流罪杖八十。徒罪杖一百。杖罪以
下。杖六十。徒一年。

凌虐罪囚

凡獄卒非理在禁。凌虐毆傷罪囚者。
依凡鬪傷論。剋減衣糧者。計賊以
監守自盜論。因而致死者。絞。司獄
官典及提牢官。知而不舉者。與同
罪。至死者減一等。

與囚金刃解脫

凡獄卒以金刃及他物可以自殺及解脫枷鎖之具而與囚者杖一百。因而致囚在逃及自傷或傷人者並杖六十。徒一年。若囚自殺者杖八十。徒二年。致囚反獄及殺人者絞。其囚在逃未斷之間能自捕得及他人捕得。若囚已死及自首者各減一等。○若常人以可解脫之

物與人及子孫與祖父母父母。奴婢。雇工人與家長者。各減一等。○若司獄官典及提牢官。知而不舉者。與同罪。至死者。減一等。○若受財者。計贓以枉法從重論。○若獄囚失於點檢。致囚自盡者。獄卒杖六十。司獄官典各答五十。提牢官。答四十。

主守教囚反異

凡司獄官典獄卒教令罪囚反異變
亂事情及與通傳言語有所增減
其罪者以故出入人罪論外人犯
者減一等○若容縱外人入獄及
走泄事情於囚罪無增減者笞五
十○若受財者並計賍以枉法從
重論

獄囚衣糧

凡獄囚應請給衣糧醫藥而不請給

患病應脫去枷鎖杻而不脫去。應
保管出外而不保管。應聽家人入
視而不聽。司獄官典獄卒。笞五十。
因而致死者。若囚該死罪。杖六十。
流罪杖八十。徒罪杖一百。杖罪以
下。杖六十。徒一年。提牢官。知而不
舉者。與同罪。○若已申稟上司。不
即施行者。一日笞一十。每一日加
一等。罪止笞四十。因而致死者。若

囚該死罪杖六十。流罪杖八十。徒罪杖一百。杖罪以下杖六十。徒一年。

功臣應禁親人入視

凡功臣及五品以上官犯罪應禁者許令親人入視。徒流者並聽親人隨行。若在禁及至配所或中途病死者。在京元問官在外隨處官司開具致死緣由。差人引領親人詣

閹面奏發放違者杖六十。

死囚令人自殺

凡死罪囚已招服罪而囚使令親戚故舊自殺或令雇倩人殺之者親故及下手之人各依本殺罪減二等若囚雖已招服罪不曾令親故自殺及雖曾令自殺而未招服罪輒殺訖或雇倩人殺之者親故及下手之人各以閹殺傷論○若雖

已招服罪而囚之子孫為祖父母
父母及奴婢雇工人為家長者皆
斬。

老幼不拷訊

凡應八議之人及年七十以上十五
以下若廢疾者並不合拷訊皆據
衆証定罪違者以故失入人罪論
其於律得相容隱之人及年八十
以上十歲以下若篤疾皆不得令

其為証違者。答五十。

鞠獄停囚待對

凡鞠獄官推問罪囚。有起內人伴。見在他處官司停囚待對者。雖職分不相統攝。皆聽直行勾取文書到後限三日內發遣。違限不發者。一日答二十。每一日加一等。罪止杖六十。仍行移本管上司問罪。督發。○若起內應合對問同伴罪囚。已

在他處州縣事發見問者聽輕囚
就重囚少囚從多囚若囚數相等
者以後發之囚送先發官司併問
若兩縣相去三百里之外者各從
事發處歸斷違者笞五十若違法
將重囚移就輕囚多囚移就少囚
者當處官司隨即收問仍申達所
管上司究問所屬違法移囚之罪
若囚到不受者一日笞二十每一

日加一等。罪止杖六十。

依告狀鞠獄

凡鞠獄。須依所告本狀推問。若於狀外。別求他事。撫拾人罪者。以故入人罪論。同僚不署文案者。不坐。○若因其告狀。或應掩捕搜檢。因而檢得別罪事。合推理者。不在此限。

元告人事畢不放回

凡告詞訟對問得實。被告以招服罪。

元告人別無待對事理隨即放回
若無故稽留三日不放者。笞二十。
每三日加一等。罪止笞四十。

獄囚誣指平人

凡囚在禁。誣指平人者。以誣告人論。
其本犯罪重者。從重論。○若官吏
鞠問獄囚。非法拷訊。故行教令。誣
指平人者。以故入人罪論。○若追
徵錢糧。逼令誣指平人代納者。計

所柱徵財物坐贓論。其物給主。○其被誣之人無故稽留三日不放。回者笞二十。每三日加一等。罪止杖六十。○若鞫囚而証佐之人不言實情。故行誣証及化外人有罪。通事傳譯番語不以實對。致罪有出入者。証佐人減罪人罪二等。謂証佐人不說實情。出脫犯人。全罪者。証佐人減犯人全罪二等。若增減其罪者。亦減犯人所得增減之罪二等之類。通事與同

罪

謂化外人。本有罪。通事符同傳

說者。以所增減之罪。坐通事。謂如

化外。本格承杖六十。通事傳譯。曾

作杖一百。即坐通事。杖四十。又如

類。

官司出入人罪

凡官司故出入人罪。全出全入者。以

全罪論。

謂官吏因受人財。及法外

故。加以罪。及應有罪之人。而故出

脫之者。並坐官吏。以全罪法外用。

刑。又用火燒烙鐵烙人。或冬月用冷水澆淋身體之類。○若

增輕作重減重作輕。以所增減論

至死者坐以死罪。謂如其人犯罪

作二十之類。謂之增輕作重。則坐以所增一十之罪。其人應決五十。

而減作三十之類。謂之減重作輕。則坐以所減二十之罪。餘准此。若

增輕作重。入至徒罪者。每徒一等折杖二十。入至流罪者。每流一等

折徒半年。入至死罪。已決者。坐以死罪。若減重作輕者。亦如之。

若斷罪失於入者。各減三等。失於

出者。各減五等。謂詢問獄司。或証佐証指。或依法律拷

訊以致招承。及議刑之際。所見錯
誤。別無受賄情弊。及法外用刑。致
罪有輕重者。若從輕失入重。從
重失出輕者。亦以所剩罪論。並
以吏典為首。首領官減吏典一等。
佐貳官減首領官一等。長官減佐
貳官一等。科罪。○若囚未決放及
放而還獲。若囚自死。各聽減一等。
謂故入及失入人。笞杖徒流死罪
未決其故出。及失出人。笞杖徒流
死罪未決放。而更獲。若囚人自死
者。於故出入。及失出入人罪。上各
聽減
一等。

辯明冤枉

凡監察御史按察司辯明冤枉。須要開具所枉事跡。具封奏聞。委官追問得實。被誣之人。依律改正。罪坐元告。元問官吏。○若事無冤枉。朦朧辯明者。杖一百。徒三年。若所誣罪重者。以故出入人罪論。所辯之人。知情與同罪。不知者。不坐。

有司決囚等第

凡獄囚鞫問明白。追勘完備。徒流以下。從各府州縣決配。至死罪者。在內聽監察御史。在外聽提刑按察司審錄無寃。依律議擬。轉達刑部定議。奏聞回報。直隸去處。從刑部委官與監察御史在外去處。從布政司委官與按察司官公同審決。○若犯人反異。家屬稱寃。即便推鞫。事果違枉。同將元問元審官吏。

通問改正。○其審錄無寃故延不決者杖六十。若明稱寃抑不為申理者以入人罪故失論。

檢驗屍傷不以實

凡檢驗屍傷若牒到托故不即檢驗致令屍變及不親臨監視轉委吏卒若初復檢官吏相見符同屍狀及不為用心檢驗移易輕重增減屍傷不實定執致死根因不明者

正官杖六十。首領官杖七十。吏典杖八十。件作行人檢驗不實符同屍狀者罪亦如之。因而罪有增減者以失出入人罪論。○若受財故檢驗不以實者以故出入人罪論。賊重者計賊以枉法從重論。

決罰不如法

凡官司決人不如法者笞四十。因而致死者杖一百。均徵埋塋銀一十

兩行杖之人各減一等

不如此法。謂應用管而

用杖應。用杖而用訊。應決。其行杖。臂而決。腰應決。腿而鞭。背。

之人若決不及膚者。依驗所決之

數抵罪。並罪坐所由若受財者。計

贓以枉法從重論。○若監臨之官。

因公事。於人虛怯去處。非法毆打

及自以大杖或金刃手足毆人。至

折傷以上者。減凡鬪傷罪二等。至

死者杖一百。徒三年。追埋塋銀一

十兩其聽使下手之人各減一等

並罪坐所由

謂情不挾私非徇已事者如有司官催徵

錢糧詢問公事提調造作監督工程打所屬官吏夫匠之類及管軍

官操練軍馬演習武藝督軍征進修理城池打巡小旗軍人之類

○若於人臂腿受刑去處依法決打邂逅致死及自盡者各勿論

長官使人有犯

凡在外各衙門長官及出使人負於所在去處有犯者所部屬官等不

得輒便推問。皆須申覆上司區處。
若犯死罪。收管聽候回報。所掌印
信鎖鑰發付次官收掌。若無長官
次官掌印者。亦同長官。違者答四
十。

斷罪引律令

凡斷罪皆須具引律令。違者答三十。
若數事共條止引所犯罪者。聽○
其特旨斷罪。臨時處治。不為定律。

者不得引此為律。若輒引此致罪，有出入者，以故失論。

獄囚取服辯

凡獄囚徒流死罪名，喚囚及其家屬具告所斷罪名，仍取囚服辯文狀。若不服者，聽其自理，更為詳審。違者，徒流罪笞四十，死罪杖六十。其囚家屬在三百里之外，止取囚服辯文狀，不在具告家屬罪名之

限

赦前斷罪不當

凡赦前處斷刑名罪有不當若處輕為重者當改正從輕處重為輕其常赦所不免者依律貼斷若官吏故出入者雖會赦並不原宥

聞有恩赦而故犯

凡聞知有恩赦而故犯罪者加常犯一等雖會赦並不原宥○若官司

聞知有恩赦而故論決囚罪者以
故入人罪論

徒囚不應役

凡鹽場鐵冶拘役徒囚應入役而不
入役及徒囚因病給假病已痊可
不令計日貼役者過三日笞二十
每三日加一等罪止杖一百○若
徒囚年限未滿監守之人故縱逃
回及容令雇人代替者照依囚人

應役月日抵數徒役並罪坐所由
受財者計賊以枉法從重論仍拘
徒囚依律論罪貼役

婦人犯罪

凡婦人犯罪除犯姦及死罪收禁外
其餘雜犯責付本夫收管如無夫
者責令有服親屬隣里保管隨衙
聽候不許一槩監禁違者笞四十
○若婦人懷孕犯罪應拷決者依

上保管皆待產後。一百日拷決者未產而拷決因而墮胎者官吏減凡鬪傷罪三等。致死者杖一百徒三年。產限未滿而拷決者減一等。○若犯死罪聽令穩婆入禁看視亦聽產後百日乃行刑。未產而決者杖八十。產訖限未滿而決者杖七十。其過限不決者杖六十。○失者各減三等。

死囚覆奏待報

凡死罪囚不待覆奏回報。而輒處決者杖八十。若已覆奏回報。應決者聽三日乃行刑。若限未滿而行刑。及過限不行刑者。各杖六十。○若立春以後秋分以前決死刑者。杖八十。○其犯十惡之罪。應死及強盜者。雖決不待時。若於禁刑日而決者。答四十。

斷罪不當

凡斷罪應決配而收贖。應收贖而決配。各依出入人罪。減故失一等。○若應絞而斬。應斬而絞者。杖六十。失者。減三等。其已處決訖。別見殘毀死屍者。笞五十。○若反逆緣坐人口。應入官而放免。及非應入官而入官者。各以出入流罪。故失論。吏典代寫招草。

凡諸衙門鞫問刑名等項。若吏典人等。為人改寫。及代寫招草。增減情節。致罪有出入者。以故出入人罪論。若犯人果不識字。許令不干礙之人代寫。

大明律

工律

營造計九條

擅造作

凡軍民官司有所營造應申上而不
申上應待報而不待報而擅起差
人工者各計所役人雇工錢坐贓
論○若非法營造及非時起差人
工營造者罪亦如之○其城垣坍

倒倉庫公廨損壞。一時起差丁夫
軍人脩理者。不在此限。○若營造
計料申請財物及人工多少不實
者。笞五十。若已損財物。或已費人
工。各併計所損物價及所費雇工
錢重者。坐贓論。

虛費工力採取不堪用

凡役使人工採取木石材料及燒造
磚瓦之類。虛費工力而不堪用者。

計所費雇工錢坐贓論。若有所造作。及有所毀壞。偷慮不謹而誤殺人者。以過失殺人論。工匠提調官各以所由為罪。

造作不如法

凡造作不如法者。笞四十。若成造軍器不如法及織造段疋簾糙紕薄者。各笞五十。若不堪用及應改造者。各併計所損財物及所費雇工

錢重者坐贓論其應供奉御用之物加二等。工匠各以所由為罪。局官減工匠一等。○提調官吏又減局官一等。並均償物價工錢還官。冒破物料。

凡造作局院頭目工匠多破物料入已者。計贓以監守自盜論。追物還官。○局官并覆實官吏知情符同者。與同罪。失覺察者減三等。罪止。

杖一百。

帶造段疋

凡監臨至守官吏將自己物料輒放
官局帶造段疋者杖六十段疋入
官工匠笞五十局官知而不舉者
與同罪失覺察者減三等。

織造違禁龍鳳文段疋

凡民間織造違禁龍鳳文紵絲紗羅
貨賣者杖一百段疋入官。○機戶

及挑花挽花工匠同罪。連當房家
小起發赴京籍充局匠。

造作過限

凡各處額造常課段足軍器過限不
納齊足者。以十分為率。一分工匠
笞二十。每一分加一等。罪止笞五
十。局官減工匠一等。提調官吏又
減局官一等。○若不依期計撥物
料者。局官笞四十。提調官吏減一

等

脩理倉庫

凡各處公廨倉庫局院係官房舍。但有損壞。當該官吏隨即移文有司脩理。違者笞四十。若因而損壞官物者。依律科罪。賠償所損之物。若已移文有司而失誤者。罪坐有司。

有司官吏不住公廨

凡有司官吏不住公廨內官房而住

街市民房者杖八十。○若埋沒公用器物者以毀失官物論。

河防計四條

盜決河防

凡盜決河防者杖一百。盜決圩岸陂塘者杖八十。若毀害人家及漂失財物湮沒田禾計物價重者坐賊論。因而殺傷人者各減闕殺傷罪。
○若故決河防者杖一百徒

三年。故決圩岸陂塘減二等。漂失
賊重者。准竊盜論免刺。因而殺傷
人者。以故殺傷論。

失時不脩隄防

凡不脩河防。及脩而失時者。提調官
吏各笞五十。若毀害人家。漂失財
物者。杖六十。因而致傷人命者。杖
八十。○若不脩圩岸。及脩而失時
者。笞三十。因而淹沒田禾者。笞五

十。○其暴水連雨損壞隄防。非人力所制者。勿論。

侵占街道

凡侵占街巷道路。而起蓋房屋。及為園圃者。杖六十。各令復舊。其穿牆而出穢污之物。於街巷者。笞四十。出水者。勿論。

修理橋梁道路

凡橋梁道路。府州縣佐貳官。提調於

農隙之時常加點視脩理務要堅
完平坦。若損壞失於脩理。阻礙經
行者。提調官吏答三十。○若津渡
之處應造橋梁而不造。應置渡船
而不置者。答四十。